


SHALOM

 Ke a leboha, haholo, Moena Isaacson. [Moena Isaacson o gala a bua ka monna ea tšoeroeng ke mofetše. Sekheo lebanteng—Mohl.] . . . Isaacson.

Lumelang hoseng hona, metsoalle, le ka lula fatše. Ee. Ho hotle ho khutlela motšeo ho lehoatata. Le a tseba, re. . . Ke a kholoa, khetlo la ho qetela ha ke fihla mona, ka letsetsa tulo ena, “motšeo ho lehoatata.” Ka tloaelo ke hona moo re fumanang e—e Morena, kapa moo Le fumanoeng khetlo le leng mohla Moshe a alositseng manku motšeo ho lehoatata.

Thaka lena mona, ke le thonakile, seiponeng sa morao, nakoana e fetileng, ha ke theoha. Ke utloile, ka tsatsi le leng, o ne a le sepetlele. Ke ne ke mo rapella, 'me ke enoa o lutse mona, hoseng hona. [Moena e mong o re, “O itoketse.”—Mohl.] Be, ho lokile. Ke thabile haholo. O ne a lutla mali. 'Me ka hona, re thabile haholo ho 'mona ka hare, hoseng hona.

Ke masoabi ho utloa ka moena enoa ea bileng le rona, khetlo la ho qetela mona, ea tšoeroeng ke mofetše, kokelong. Rea tseba re fumana mochoporo o le mong feela ho tsoa mona, 'me ke mochoporo oa lefu. Hoo, bohle re tlameha ho tsamaea tseleng eo, ho sa tsotellehe haeba re lokile ka ho fetisisa, e mong oa rona ea halalelang ka ho fetisisa, re jarana lebitleng la e mong. 'Me koana Jesu o itse, “Ea lumelang ho 'Na a ke ke a shoa le ka mohla.” Empa seo “lefu” le leng sona mono, ha se seo re se bitsang lefu.

2 Joaloka ha Jesu a ne a bua ka Lasaro, O itse, “O robetse.”

'Me ba re, “Be, re tla. . . O sebetsa hantle haeba a robetse.”

3 Eaba Jesu o re, a tlameha ho ba bolella ka puo eo ba e tsebang, ua bona, “O shoele.” A re, “'Me molemong oa lona, Ke thabetse ha ke ne ke le sieo, empa Ke ea mo tsoa.” Le a bona?

4 'Me ke mohla A hlhisang qotso e babatsehlang eo re e fumanang Lengolong, “Ea utloang, ea lumelang ho 'Na, o na le Bophelo ba kamehla; a ke ke a kena kahlolong, empa o tlohile lefung ho kena Bophelong. Ke 'Na tsoho le Bophelo. Ea lumelang ho 'Na, leha a shoele, o tla phela. 'Me ea phelang 'me a lumela ho 'Na, a ke ke a shoa le ka mohla.” Le a bona? Ho se shoe le ka mohla! Ha ho. . . Ruri lefu ha le eo ho Mokreste. O. . .

Lefu le bolela “karohano ea Bosafeleng.”

5 'Me joale ha re. . . shoa, joaloka 'meleng oa nama joaloka hona joale, re arohane. Empa, ha e le hantle 'mele ona ke 'ona feela o re khethollang, hobane re holehiloe likutlong tse hlano: bona, latsoa, ama, fofonela, le ho utloa. 'Me ha feela re bonana kapa re amana, khele, re na le bopaki ba hore re teng mona. Haeba u foufetse 'me u sa khone, 'me—'me u sa bone, joale le

ka phopholetsana, 'me re . . . kapa ra utloana. 'Me likutlo tsa lefatše li a tsebisana.

⁶ Empa, ha e le hantle, ho bua 'nete, ha re eso bonane. Na le tsebile seo? Ha re eso bonane. U utloa ntho e buang ka 'mele mona e etsisang se leng kahare. Ka hona ha re buisana, ha re—ha re bue le 'mele. Ke moea o ka hare, empa 'mele ke ntho e khetholang moea o ka hare. 'Me ka baka leo, ha re buisana, rea . . . kapele re ka utloisisa haeba re le Bakreste kapa che, hobane bolekanane ba moea bo teng boo re buang ho tsoa ho bona, oa bona, bo a arabelana, hoo, hore re Bakreste kapa che. Ka baka leo ha re eso bonane le ka mohla.

⁷ Jesu. “Ha ho motho ea kileng a bona Molimo le ka mohla, empa ea tsoetsoeng a inotši oa Ntate o Mo tsebahalitse.” Le a bona? Ka mantsoe a mang, Molimo oa bonahatsoa. E—e Motho eo Molimo oa bonahatsoa 'Meleng, Morena Jesu Kreste, ka hona E ne e le setšoantšo se bonahalitsoeng sa Molimo. Kapa, Molimo oa Itlhalosa ka setšoantšo, le a bona, ka setšoantšo, Motho. Molimo o Iponahalitse ho rona, 'me E ne e le Molimo. Ha se motho oa borarō kapa motho oa bobeli; E ne e le Motho eo, Molimo. E ne e le Molimo ka Sebele, o Itsebahatsa, hore re tle re Mo phopholetse.

⁸ Timothea oa Pele 3:16, “Ha ho khang,” ke *ngangisano* eo, “sephiri sa borapeli se seholo, hobane Molimo o bonahalitsoe,” kapa oa *tsebahatsoa*, “ka nama.” Na hoo ha ho babatsehe? Molimo! 'Me re ne re ke ke ra utloisisa Molimo ha A tsamaea hara Topallo ea Mollo, le joalo-joalo, kamoo U entseng. Empa re Mo utloisisitse mohla A fetohang e mong oa rōna, ua bona, mohla A ne a fetoha Monna. Eaba O khona ho bua le rona, 'me re khona ho Mo phopholetsana, ho Mo tsoara, ho Mo ama, le ntho e 'ngoe le e 'ngoe. 'Me joaloka Lengolo ha le bolela le hlakile le re “re amme Molimo,” ua bona, ka matsoho a rōna, re Mo amile ka matsoho a rōna.

⁹ Molimo o ka ho motho. 'Me O Itsebahatsa kajeno ka hara Kereke ea Hae. Ho Mokreste ea tsoetsoeng labobeli, Molimo o Itsebahatsa, hore O lula e le Molimo. 'Me lefatše le kantle le tla tseba Molimo ha feela ba bona Molimo ka ho uena le ho 'na. Ba tla tseba Molimo joalo feela, ke mohla re leng liepistole tse ngoliloeng, epistole ea Lengolo, re baloa ke batho bohle. Mme bophelo boo re bo phelang bo halimisa se ka har'a rona. Motho o tsebahala ka mesebetsi eo a e etsang. Ka hona mesebetsi ea rōna e tlameha ho loka, ua bona, ho loka kamehla, hobane re emela Morena Jesu Kreste oa rōna.

¹⁰ Ke ntho e babatsehang hakakang eo, haholo ha e—e leqheku le kang 'na le ema mona 'me—'me le nahana ka bophelo bo ntseng bo pona, bo fetileng, 'me—'me re tobane le bokamoso ba Bosafeleng. Le ho tseba haeba bophelo bona e le sona feela seo nkileng ka se tšepa, ke tla be ke le motho ea soto ka ho fetisisa hoseng hona. Empa ho tseba bophelo bona e bile e—e seriti feela

sa seo re tlamelang ho—ho tla ho sona. Ke khalimiso, hobane e ke ke ea e-ba ntho e phethehileng e entsoeng ke Molimo. Molimo ha a etse letho le timelang. Le a bona? Molimo ke Bosafeleng. 'Me, ka baka leo, bophelo bona boo re phelang ho bona joale, bo mpa bo halimisa se ka pel'a rōna. Ntho ea sebele e ke keng ea shoa. 'Mele o ke keng oa timela. Bophelo bo ke keng ba tlosoa. Le a bona? 'Me ka baka leo Mangolo a nepile, ha A bolela re na le Bophelo ba kamehla, re na le Bophelo Bosafeleng. Re ke ke ra shoa. Ua bona, hobane u fetoha. . . Ha u tsoetsoe labobeli, u fetoha karolo ea Molimo. Ua bona, u phela ka Bosafeleng kamehla, u ke ke ua hloleha le ka mohla. U karolo ea Molimo, hobane u mora oa Hae.

¹¹ Joale, nka nka lebitso le leng, 'me ka ithea lebitso le leng. Nka nka lebitso la 'mè, Harvey, e tla ba le haufi le 'na. Lefatšeng, 'mè e ne e le Harvey, 'me nka bitsa lebitso la Harvey. Empa mali a ka paka ke le Branham. Ua bona? Hobane ke karolo ea ntate oa ka. 'Me ha feela ke ena le mali ka ho 'na, ke tla 'ne ke be karolo ea ntate oa ka. O a bona, ke hantle. 'Me ha ke tsoetsoe ke Moea oa Molimo, ke karolo ea Molimo, ke phetho; Ke amahantsoe le Eèna, le a bona, hore Ke Ntate oa ka. Joale bophelo ba ka bo lokela ho Mo halimisa; joalokaha bophelo ba ka bo halimisa ntate oa ka oa lefatše ka setšoantšo seo a neng a le sona. Ke . . . Ba re ke tšoana le ntate haholo, ka baka leo ke setšoantšo sa hae se halimisitsoeng ho 'na. 'Me ntatao—ntatao o halimisitsoe ka ho uena, le batsoali ba hau. 'Me, ka hona, Molimo Ntata rona o bonahatsoa ka ho rona ha re tsoaloe le—le ho boptjoa ka setšoantšo sa Hae mona.

¹² Joale, ke qala ke bua, ha ke finyelle molaetsa oo ke tla bua le lona ka ona.

¹³ Haesale ke ananela kopano ea ntlu, kopano ea thapelo ea ntloana e kang ena, ho feta—ho feta kamoo ke hopolang batho ba hopola nka etsa, hobane likopano tse khabane le linako tse khabane tsa bolekanane ka tloaelo li tšebeletsong e nyenyane ea thapelo ka mokhoa ona. Moo ke utloileng bohaufi bo fetisang ho Molimo, ke mohla balumeli ba tlang seatla feela ba kopanang, 'me re rapela teng.

¹⁴ Joale hoseng hona, kea kholoa re lutse mona, mashome a mararo, mashome a mane, mashome a mararo, kea kholoa, kapa ntho e kang eo, ha ke balla bana. Nke ke ka tseba. Ha ke motle hakaalo ho—ho—ho bala lipalo, ho sheba sehlotšoana sa batho feela, hobane ho na le likamore tse ling mona, ua bona, tseo ke sa boneng batho ka ho tsona. Joale, empa ha re kopana tjena, ke utloa re atamelana haufi kamoo re sa khoneng ha rele kantle phuthehong e kholo, e sephara. Rona, re ka itlhalosa. Ke ka hona, hoseng hona, ke ileng ka nahana, ha ke theohela mona, ke tla bua le phutheho mona hoseng hona, le ho molisa oa eona e monyenyanane ea ratehang. Ke thabetse ho bona metsoalle ea ka e mengata mona, ba ha Strickers le bohle bao—bao ke qetsetseng ho ba bona nakoana.

15 'Me hoseng hona ke ne ke tla bua le lona ka molaetsa oa ka oa Selemo se Secha ke ne ke rerile ho o bua thapama ea Sontaha se tlang kopanong ea Phoenix, oditoriamong. Hobane, ka mona, ka hopola mohlomong ba etsa litheipi tsa ona. Hore ke. . . Mohlomong Moea o Halalelang o ka mpha e—e mohopolo o molengoana mona hara sehlopha sa balumeli ho feta mohlomong Phoenix har'a, le a tseba, moo tumelo le ho se lumele, le litumelakhoele le—le ntho e 'ngoe le e 'ngoe li tsoakiloeng. 'Me haeba baena ba entse, le ho lokolla liteipi, ho ka ba—ba molemo ho e sebetsa joalo, hoba le tla fumana teipi e molengoana ho tsoa mona. Ka kopa bashanyana ho hlahloba melumo pele. 'Me eitseha ke kena hoseng hona, Moena Terry a mpoella ka melumo e metle. Ka hona, hoo—hoo ho hotle. Ka hona joale pele, pele re atamela taba e mahlonoko ena, 'me kea tseba. . .

16 Kea kholoa ba itse ba bang ba lona le salla lijo tsa motšoare, ho ea ja lijo tsa motšoare mona mabaleng kapa tlung, kapa ho hong, 'moho. Ho lokile haholo. Ke hlile ke thabela ho le bona kaofela le kopana.

17 'Me ke utloa hore—hore Molaetsa oa ka hoseng hona o lebisitsoe ho Kereke ea Molimo o phelang, le a bona, 'me etsoe ke lumela hoba ena ke karolo ea Eona e lutseng mona hoseng hona. 'Me joale pele re fihla karolong eo e mahlonoko, ha re inamiseng lihlooho tsa rona nakoana bakeng sa thapelo.

18 Ntata rona ea Maholimong, re motlotlo haholo ho Uena, haele moo re ka fuoa monyetla oa ho U bitsa joaloka Ntata rona, hoba *Ntate* e bolela hore re tsoetsoe ke Molimo o moholo o hlolileng maholimo le lefatše. 'Me re thabetse monyetla ona haholo, re ka nahana lipelōng tsa rōna, 'me, hape, hore re bara le barali ba Hao. 'Me hape ho U bona u Itsebahatsa ka ho tiea hara rōna, hore U Ntata rōna, ho fetola menahano ea rona ho tloha linthong tsa lefatše, le ho fetola sepheo sa rona le merero le maikutlo a rona, 'me mohato o mong le o mong oa rona, ho U rata le ho U lumela, le—le ho tseba hore litšepiso tsa Hao ke 'nete.

19 Re bokane mona hoseng hona tulong ena eo re e bitsang “motšeo ho lehoatata,” kapa ke e bitsa hoo, ho nahana hoo, lebaka leo ke rialong, Morena, hase ho halimisa letho holim'a sehlotšoana sena sa batho, empa, mabapi le eng ea tlhaho e nyenyane.

20 Empa ke leka ho hopola Moshe, mohlanka oa Hau, ea neng a le motšeo ho lehoatata, mohlomong eëna le manku a hae feela, ekaba mosali oa hae, Sefora, le—le—le Gershome, mora oa hae, ba le 'moho. Ke. . . Seo ha ke se tsebe. Empa teng ba fumane boiphihlelo bo fetoteng moporofeta eo, ho tloha ho lekoala le baléhileng, ho ea tšebeletsong ea Molimo o neng o mo reretse mosebetsi, ka morao ho lehoatata. E ne e le hona moo—moo Topallo ea Mollo e bonahetseng khetlo la pele bophelong ba motho, kamoo re e tsebang, Mollo oo o ne o leketlile motšeo

sehlahleng sa lehoatata, 'me ha sea cha. Empa—empa e ne e le Khanya ea Molimo e Ikhalmisang sehlahleng seo; moporofeta Moshe a rola lieta tsa hae, a O atamela, 'me a laeloa ke Molimo ho lopolla sechaba sa batho ba Molimo.

²¹ Ho boele ho be joalo kajeno, Morena, motšeo ho lehoatata hona joale rea rola, ka ho tšoana, lieta tsa rōna, likatiba tsa rōna, tsohle tsa rōna, le ho li beha tlas'a sefapano sa Kreste, le ho re, "Ke 'na enoa, Morena, roma 'na."

²² Hlohonolofatsa molisa enoa mona, Moena Isaacson oa rona, moena. Re U rapela ho hlohonolofatsa eena le mohatsa'e, le bana ba hae; Moena Stricker, mohatsa'e le bana; le ba bang bohle ba emetsoeng mona hoseng hona.

²³ 'Me re phuthehile mona; che, Morena, ha se bakeng sa tlotliso ea horeng e khōlō, kapa ho tsebjoa joaloka baetapele kapa—kapa selo. . . ofisiri ea ntho e kholo. Re—re mona feela joaloka balumeli ba ikokobelitseng. Re mona hobane re U rata, 'me re a ratana. 'Me ha re bonana 'me re kopana 'moho, re fumana eka Molimo o phutheha ho feta hammoho ha molumeli e mong le e mong a phuthehela sebakeng se itseng. 'Me Jesu o itse, "Ekareha le etsa sena ka Lebitso la Ka, Ke tla ba hara lona." 'Me re a tseba U teng mona.

²⁴ Bua le rona, Morena. 'Me haeba lintlhana tsena tseo ke li ngotseng mona, le Mangolo ao re buang ka ona, a tsoile tseleng, hoseng hona, mohopolong oo U ka batlang re o nahane, joale, Morena, re tlola seo feela, le ho etsa kamoo U re bolellang ho etsa. Re hlohonolofatse joale, hoba re kopa sena ka Lebitso la Jesu Kreste. Amen.

²⁵ Joale, palong ea Lengolo, ke ne ke. . . pele ke fihla lilemong tse kana, ke ne ke khona ho hopola hantle. 'Me matsatsing ao, ke. . . matsatsi a macha, ha kea nka molaetsa o molelele, mohlomong metsotso e mashome a mararo kapa ho hong, ka ikakhela hantle mohopolong o le mong le ho o boloka kelellong ea ka. Empa joale ke. . . lebaka leo ke tšoarang likopano tse telele tsena joale, ke hobane ke a hatisa. Ua bona? 'Me teipi ena, bashanyana ba e hatisa mono, e tla qala ka nako e baliloeng, mohlomong joale, qalong ea thapelo, 'me e ea libakeng tse ngata, tse ngata, ho pota lefatše ho ka thualo. Ka hona joale re tla bua hoseng hona ka Selemo se Secha, seo re se bitsang molaetsa oa ka oa Selemo se Secha. Ke lekile, ke bile le melaetsa e meraro ea Keresemose, 'me ke a tseba lona batho tlase mona ka morao ho lehoatata le fumana liteipi tseo. 'Me Molaetsa oa ka—oa ka oa ho qetela holimo kerekeng, kapa mabapa le Molaetsa oa ka oa qetelo, e le ka *Leseli*. 'Me haeba u eso fumane teipi eo, ke tiile hore u tla e thabela. Ke e thabetse haholo, tšusumetso ea eona, eo Morena a mphileng eona.

²⁶ Joale kajeno, ha re tobana le selemo se secha, ke—ke batla ho nahana ka tse fetileng, empa ke batla ho sheba bokamoso. Ua

bona? Joaloka Pauluse ha a boletse, “Ke lebala tse kamorao, ke hahamalla pheo,” ua bona, “ea pitso e holimo.” ’Me ha e hlaloso, e ka re ho sheba moraoe ka seipone sa koloi. Re shebile seo re se fetileng, ha re sheba seipone sa morao. Joale kajeno ha re leke ho beha Molaetsa eka re shebile ka seipone sa morao. Ho ka qeta nako e telele haholo, le a bona, lintho tseo Morena a li entseng. ’Me bohle le tseba lintho tse kholo tseo Morena oa rona a li entseng, ke tse ling tsa lintho tse matla ka ho fetisisa tseo nkileng ka li bona bophelong ba ka, O feela—ho feta feela likhoeleng tse ’maloa tse fetileng. ’Me, empa joale re lebohela se bileng teng, empa joale re shebile pele. Re shebile moo re habileng teng, le ho 1964 ena.

27 ’Me joale haeba lona le rata ho bala mona, kapa—kapa, ke rata ho bala Mangolo a ’maloa, hobane sena sohle se theiloe holim’a Lentsoe la Molimo le Halalelang.

28 ’Me joale ke salloa ke mohlomong hora le metsotso e leshome le metso e mehlano, bakeng sa teipi ena. ’Me, ha Morena a ratile, ke tla leka ho e ntša le tle le fumane tinare ea lona. Ke le leboha ka ho mpoella hoba ke filoe ho fihlela hora ea botšelela bosiueng bona. Ho ne ho le hotle haholo.

29 Joale ha re phetleng Bibeleng libakeng tse peli, libuka li bapile ’moho. E ka Testamenteng ea Khale. Ke qotsa mohlolithero o baloang, ho tsoa libakeng tse peli, Esaia 62 le Lipesaleme 60. Joale ho Esaia 62, re tla phetla ho bala pele. ’Me ka sena, re hopotsoa ka matla a maholo a Morena Molimo oa rona, le kamoo—kamoo A leng moholo kateng, le kamoo Molimo oa rona a leng matla kateng. Ke masoabi, ke Esaia 60 sebakeng sa 62. Esaia 60. Ho lokile, joale re bala sena, Esaia 60:1 le 2.

Tsoha, ’me bonese; hobane lona leseli le chabile, ’me khanya ea MORENA e u chabetse.

Hobane, bona, . . . lefifi le tla aparela lefatše, le lefifi le opaneng holim’a sechaba: empa MORENA o tla u chabela, khanya ea hae e bonahale holim’a hao.

30 “Lefifi tse teteaneng holim’a batho.” Ehlile, bona ke boporofeta holim’a letsatsi leo re phelang ho lona hona joale.

31 Joale ha re phetleng ho Lipesalema ke hona. Kea kholoa ke batla ke ferekane hanyenyane moo ke ngotseng Mangolo a ka mona, ka potlaka maobane bosiu ho a ngola, ke ngola sena. Lipesalema 62:1 ho isa ho 8.

Moea oa ka ke ho Molimo feela u ka bonang phomolo: hobane poloko ea ka e tsoa ho oona.

Ke eèna feela lefika la ka le pholoho ea ka; ke eèna tsireletso ea ka; nke ke ka sisinyeha haholo.

Le tla phehella ho isa kae ho rusolla motho? le tla bolaoa kaofela ha lona: joalo ka lerako le sekameng . . . le tla ba, le joalo ka lekhoakhoa le thereselang.

Ba mpa ba rerisana ho mo lihela fatše ho tloha bokhabaneng: ba thabela mashano: ba hlohonolofatsa . . . ka molomo ea bona, empa ba rohaka ka hare. Selah.

Moea oa ka, u itšepela Molimo feela; hobane tšepo ea ka e tsoa ho eèna.

Ke eèna feela lefika la ka le pholoho ea ka: ke tšireletso ea ka; nke ke ka sisinyeha.

Poloko ea ka le khanya ea ka li dutse ho Molimo: lefika la matla a ka le setšabelo sa ka, ke ho Molimo.

Mo tšepeng . . . ka linako tsohle; lōna batho, tšollang lipelo tsa lōna ka pela hae: Molimo ke setšabelo sa rōna. Selah.

³² Joale, haeba le hlokometse palong ea Lengolo mono ho Lipesalema, e ne e sa phetse ho re, “Molimo ke lefika la ka.” Na le tseba seo lefika le se emetseng ka Bibeleng? *Lefika* ka Bibeleng, mona, le emetse “tšenolo ea Molimo.” Ua bona, “Molimo ke tšenolo ea ka.” Ke Eèna, le a bona, tšenolo ea Lentsoe ke lefika.

³³ Hoba, Petrose ka tsatsi le leng ha . . . Jesu a botsitse potso, “Batho ba re ’Na Mora motho ke mang?”

³⁴ ’Me e mong oa bona a re, “U a . . . Ba bang ba re U Moshe, kapa Elia, Jeremia, kapa e mong oa baporofeta.” Empa eo e ne e se potso.

“*Lona* le re Ke mang?”

³⁵ Eèna, Petrose a bua, mantsoe ana a tsebahalang, ’me a re, “U Kreste, Mora Molimo o phelang.”

³⁶ A re, “U lehlohonolo uena, Simone, mora Jonase, hoba ha se nama le mali tse u senoletseng hona, empa ke Ntate oa Ka ea Leholimōng. ’Me holima lejoe lena!” Ua bona?

³⁷ ’Me Davida o bua mona, “Molimo ke lefika la rona.” Molimo ke lefika la rona ha Molimo a senotsoe ho rona. E fetoha lefika, le a bona. Molimo ke lefika la rona.

³⁸ Joale, sehlooho sa ka, sa hoseng hona, ke lentsoe le sa tloaelehang: *Shalom*. *Shalom*, ka Seheberu, le bolela “khotso.” ’Me ke seo ke se bolellang Kereke hoseng hona, “Shalom!” Ke khotso eo.

³⁹ Ka Sefinnishi e bitsoa *Jumalan rauha*, e bolelang “khotso ea Molimo” holim’a hao. *Rauha*. Molimo, le a bona, khotso ea Molimo, shalom.

⁴⁰ Molaetsa oa ka oa Selema se Secha ke ho Kereke e khethiloeng ka ho Jesu Kreste, bakeng sa 1964. Ha se—ha se lihlopha tsa kereke feela; empa Mokhethoa, Mofumahali, Mofumahali oa—oa Kereke, Monyaluoa oa Kreste, le a bona, ke eèna eo ke buang le eèna.

⁴¹ Mona re tobane, lithutong tsa rona tse peli tseo re li balang, Mangolo a mabeli, ke rialo, ke phapang e ngata, le leng ho le leng. Ho Esaia, e re, “Tsoha, u bonese, hoba khanya ea Molimo e u chabetse. Leseli le teng mona.” ’Me eona temana e latelang, e re, “Botšo bo aparetse batho bana.” ’Me joale mohla re leng hara Leseli le tsoakaneng, ’me puo ea ka ho Kereke ke “Shalom, khotso, ha re fumaneng sohle se amanang le eona.” Ua bona? Re tobane le selemo sena, ka lefifi le Leseli ’moho. Rea . . . lefatše le hara linako tse moferefere tse lefifi tseo le kileng la ema ho tsona; ’me koana le eme, hape, Leseli le bokoang ka ho fetisa leo le kileng la chaba ka lona. ’Me ho na le . . .

⁴² Phapang e tšoana le qalong, mohla lefifi le opaneng le neng le aparetse lefatše. ’Me Moea oa Molimo oa tsamaea holim’a metsi oa re, “Leseli le be teng.” ’Me Molimo oa arola leseli ho lefifi. ’Me ke lumela hore joale re phela horeng eo hape, mohla Molimo o arolang Leseli ho lefifi, ’me O le patisa lephakong le leng la lefatše, hore Leseli le tle le bonahatsoe. ’Me re a . . .

⁴³ Hape, e—e Kereke, lebaka leo nka reng “Shalom” ho bona, ke hobane e le Khotso ea Molimo. Ke seo ke batlang ho le tlisetsa sona hoseng hona, bakeng sa selemo se secha, ha se ho hetla, empa re lebeletse ho qaleho ea letsatsi le lecha. Ho fihlela, ntho e kholo e re laletse kapele, lilemong esale e le thabo ho sheba pele, khatello, ho fihla ha Leseli le lehlo. Mme joale re e bona e ropoha koana selikeng sa mola-pono, mola-pono o rapameng, ho ropoha lipakeng ho shoa le ho se shoe. Re e bona e qhalana lipakeng tsa leholimo le lefatše, ho tsoa lefatseng le tlamiloeng ke maloetse le lefatše la likhathatso, ho ea letsatsing le khanyang la Bophelo bo sa shoeng le ’mele o sa shoeng le lefatšeng le sa shoeng le ke keng la feta. Ke—ke “Shalom,” ho—ho Kereke. Joale, ke nako ea Leseli e tlelang balumeli, empa lefifi le letšo ho batho. Ke . . .

⁴⁴ Tsatsi le leng re ne re qoqa, ’na le mohatsa ka, ’me re ntse re bua ka—ka hora eo re phelang ho eona. Joale, lebaka la ho khetha tulo ena, ke utloile nka phutholoha ka qoqa le lōna, ua bona. Ua bona? Ke, ekare nako e holim’a batho ke nako e haulang ho fetisisa eo nka nahanang ka eona.

⁴⁵ Esale ke etsa sohle se matleng a ka ho leka, ka ho se lumellane le motho litabeng tsa bolumeli, empa haeba ke sa khone ho mo tšoara ka letsoho hamorao, ho sa tsotelehe e ka ba ntho e bohale hakakang, le ho tšoara matsoho a hae, le ho re, “Mona leseling la kutloisiso e molemo lipakeng tsa rona,” ’me ke ntse ke rata motho eo, hase ho e bua ho tsoa melomong ea ka feela, empa ho tsoa pelong ea ka, joale ha ke—ha kea lokela ho hang ho tsoela mono le ho leka ho bua le batho. Hobane, ua bona, re tšoanela ho etsa hoo, re tšoanela ho rata motho eo. Ua bona? ’Me ho kena har’a batho ba mefuta eohle ea lihlopha, le bora-seng ba fapaneng ba meloko, le litumelo, le tse joalo, le ho leka ho beha Biblele fatše, le ho re, “Ha re—ha re e qoqeng e seng ho tsoa tumeloaneng ea

lona kapa ho tsoa bukeng ea lona ea boitšoaro, empa ho tsoa Bibeleng.” ’Me hape eseng. . . Mohlomong khetlo le leng monna o phahama ka bohale; empa haeba ke hopotse ke sa rate motho eo, hape—hape ke tseba ntho e le ’ngoe, Moea oa Krete o tlohile ho ’na. Haeba nka—haeba nka ikutloa ke sa rate motho eo, phoso e teng ka ’na.

46 Hobane Moea oa Krete, ha ba . . . eona . . . ba—ba Mo thakhisa, ’me batho ba Habo ka Sebele ba kokotela, ’me—’me popo ea Hae eo A e bopileng e ne e kokotela lipekere, eo A e bopileng, morao nameng ea Hae ea motho. ’Me koana, ka pelō e tletseng lerato, A hooelets’a, “Ntate, ba tšoarele, ha ba tsebe seo ba se etsang,” u a bona.

47 ’Me ke—ke fihlile lethebeng leo. Ke lumela hore batho ha ba tsebe seo ba se etsang. E fihla mohla bana ba motho ba etsang, ekare joalo, ba fetohang bafo ba bobbe ho fihlela e—e le ntho e haulang. Ekare ho—ho leketlile seriti sa lefifi, holim’a batho feela, se ba hatellang.

48 Joaloka, mohlala, ntho e le ’ngoe ena. Ho haola le sechaba ho potoloha le ho bua, ’me Morena Molimo a iponahatsa, a netefatsa Lentsoe la Hae le ho bontša hoo hantle, ’me u se lumelle letho ho buuo a e sa etsahale hantle seo A se buileng, ho e bua hantle hore e be teng, le joalo, joaloka ha A esale a etsa. ’Me batho ba lula ’me ba e sheba, ’me ba tsoella joalo ka maemo a bona. Lea bona?

49 Lea bona, e seng ho khesa, empa joaloka likhaitsetsi tsa rona, hangata ha ke bua le bona ka ho apara liaparo tseo, le ho kuta moriri oa bona, le linthonyana. ’Me monna, kamo, ba tla tsoella ho kena litumeloaneng tsa bona, le—le ho sebelets’a tlas’a litumeloana tseo le lintho. ’Me—’me ke batho ba lokileng. Ke batho ba molemo. Empa koana eka ba—ba—ha ba utloisise, e ka ha ba khone ho e fumana. Hobaneng? Ke khutla isao, ’me, sebakeng sa ho ntlafala, ho mpefetse. E—e tsoelapele. Mona ke khaitsetsi ea kileng a ba le moriri o molelele o motle, a o poma. Monna enoa khetlo le leng ekare o eme ka ho tiea, a ikemiselitse ho etsa se nepahetseng; o khutletse hape. . . joaloka ntja mahlatseng a eona, le e—le kolobe seretseng sa eona. Lea bona, ho khutlela hape ho eona. Ekare e teng ntho e hlasetseng batho ba rona, e hlasetse lefatše, ba bonahala ba se na—na kutloisiso, hore phoso e teng.

50 Joaloka ha u bona monna kajeno, ha u fumane botšephehi boo ho monna. Ha u bo fumane ho basali. Joale ha ke bue ka. . . Lebaka leo ke theileng sena, ke ho fihla ho “Shalom.” Lea bona?

51 Empa u hlokomela basali ba mehlang ena, ha ba bonahale ba le boitšoaro boo ba bofumahali ba kileng ba bo rua. Ba mpa feela e ka ba—ba batla, empa ho na le ntho e sa ba lumelleng ho e etsa. Ho bonahala ho le boima. Hoo, ha u bolella e—e leleiti hore ha lea tlamaha ho etsa hore-le-hore, ’me leleiti le sheba Hoo ’me le lumela Hoo, o batla ho lumela Seo, empa ntho e mo hatella

lehlakoreng le leng. Lea bona? Ntho ea batho, ke—ke—ke mo utloela bohloko. O tšoasitsoe ha bohloko ke tepo ea Hollywood, le lipapatso tsa thelebishene, radio, koranta, seterateng, le—le lifensetereng tsa mavenkele, ka moaparo oa sejoalejoale joalo—joalo, le mokhoa oo basali ba bang ba kopanang le eèna. 'Me eka ntho e teng eo ba sa khoneng ho itšoasolla ho eona feela; bacha ba rōna, maqheku a rōna, ba lilemong tse bohareng.

⁵² Ntho e bonahala e le teng hara motho. Monna ha a bonahale joalo, a koetlile kamo eo ea botona a kileng a ba le eona. Basali ha ba na kamo eo ea botšehali eo a kileng a ba le eona. U nka monna kajeno, monna ha a bonahale a shahlile joaloka mehlang ea bona. Tsohle ke mofuta oa . . . Ba batla ho roala lieta tsa suede ka 'mala o pherese, 'me—'me ba batla ho itšoara joaloka basali. Joale hoo ke 'nete. Ekare, bonnyane, eka khopamiso. Mosali o batla ho kuta moriri oa hae le ho itšoara joaloka e—e monna. 'Me monna o batla ho itšoara joaloka mosali. Le a bona? 'Me koana u ka bua le bona, 'me ke batho ba lokileng ho bua le bona, batho ba lokileng, ba botsoalle, batho ba ratang ho kopana le batho. Hona ho bakiloe keng? Ke botšo bo opaneng bo holima batho, ke ntho e—e ba susumelitseng ho kena ho eona.

⁵³ Joaloka Bajuda matsatsing a Jesu lefatšeng, Esaia o ne a porofetile ka eona ho re, “Mehlang eo, ba tla ba le mahlo empa ba sa bone, le litsebe 'me ba sa utloe.” 'Me ke ka hona Jesu a rapetseleng tšoarelo ea bona, hoba e ne e loketse joalo ho tlatsa Lengolo.

⁵⁴ 'Me e boetse e khutletse ho rona hape. Bible e buile ka letsatsi lena leo re phelang ho lona, 'me ea re lintho tsena li tla hlaha, “lefifi le letšo holim'a batho.” 'Me re a e bona, ntho e teng feela, feela, eo batho ba e batlang empa ha ba khone.

⁵⁵ Nikodema o e hlalositse khetlo le leng pel'a Morena, “Rabbi, re a tseba hobane U Moruti ea tsoang ho Molimo, hobane ha ho motho ea ka etsang lintho tseo U li etsang Molimo o se ho eèna.” Empa e ne e le lefifi leo, kapa bofoku, holima morabe oa Bajuda, hore Messia a fihle a nke Monyaluoa ho Balichaba. Ba ne ba tlameha ho Mo hana.

⁵⁶ 'Me leo ke lefifi le letšo le holim'a likereke le lintho kajeno, ho sitoa ho bona Leseli le phatsimang. Ua bona? Ua bona, ho bonahala ho le khatello e boima haholo. Re nka ba bang ba baboleli ba tummeng kajeno, ba lula ba llela tsoseletso, 'me ba sebetsa khahlano le Eona hantle; le a bona, ntle le kutloisiso, kantle le kutloisiso.

⁵⁷ 'Me ha ke bue seo ka—ka sepheo sa ho leka ho re, “Joale re bone *Sena*, 'me, 'khanya ho Molimo,' ba—ha ba ka ho eona.” Ha ke leke ho—ho bolela hore ka hara . . . ho nahanisa batho, “Be, Moena Branham, u—u tšoere 'Nete e le 'ngoe feela lefatšeng.” Che, hoo ho fosahetse. Lea bona?

58 Ke mpa ke e bua ka Leseli la hora eo re tsamaeang ho eona, le molemong oa batho ba lekang ho batla Leseli lena. Ruri, Jesu o itse, “Ha ho ea ka tlang ho 'Na, a sa huloe ke Ntate oa Ka pele.” Ha ho ea tla E bona le ka mohla. Ke Peo eo e reriloeng pele, 'me ke eona feela, e tla E amohela. Empa re fihlile sebakeng seo hape. Bible e itse, “Le leseli la lefatše.”

59 Moporofeta o itse, “Lefifi le letšo holim'a batho,” holim'a batho ba lefatše nakong ena. 'Me ke hantle seo re se fumanang, lefifi le letšo holim'a batho.

60 Molimo, mohaung oa Oona o moholo, joalokaha esale ke rera ke leka ho e emela, ka mehla O bontša lietsahala tsa Hae—tsa Hae tse tsoang leholimōng, liketsahalo tsa Hae tse khōlō, li etsahala leholimong pele li etsahala lefatšeng. O a Ikhalmisa. Ka mantsoe a mang, pele Messia a fihla moo tšebeletso ea Hae e neng e tla qala teng, ho hlahile e—e Naleli e tsoang leholimong e isitseng monna ho ea e—e—e tulong eo A neng a le ho eona, banna ba bohla. Joaloka ha le utloile Molaetseng oa ka oa ho qetela kamoo Molimo o sebelitseng le—le banna ba bohla, 'me—'me mohlang oo Oa—Oa ba khelosa ka toro, 'me Oa bolella Josefa ka toro kamoo a ka hlokomelang Mora oa Hae ka Sebele. Hobane a lorile toro, ho ne ho ena le . . .

61 Toro e maemong a bobeli, ntho e hole koana, hoba batho ba ka lora litoro tse sa lokang. Empa ho ne ho se moporofeta naheng tsatsing leo, le a bona, ho ne ho se moporofeta, ka baka leo Molimo oa lokela ho sebelisa seo O neng o lokela ho se sebelisa. Le ho re ruta hore—hore Molimo a ka sebelisa talenta e 'ngoe le e 'ngoe le sohle seo re se etsang, haeba se khethetsoe Eèna. Empa e lokela ho khetheloa Eèna pele. E re menahano ea hao—ea hao, e hlileng e bonahatsa toro ea hao, oa bona, hobane ke bokahare ba hao. Ha u ka sheba toro, u tla bona hore ke ntho eo esale u e nahana, kapa ntho e kang eo. Ka tloaelo, u a bona. 'Me e re kelello ea hao e tsepamisoe ho Molimo, ke hona, u a bona, ka hona e halimisa ho hong bakeng sa Hae. 'Me sohle seo u leng sona, se ke se halimise Eèna.

62 Joale, holimo maholimong, u hlokometse . . . ? Ke shebile taba ena, e—e Leseli setšoantšong mono ho tsoa makaseng oa *Life*, oo moena, ea lulang mona lehaeng lena, a o beileng leboteng la hae, khutlotharo eo ea Leseli.

63 Ke tsoatsoile ka qeta kelellong ea ka. Haeba mang oa lona a tšoare phetolelo ea Bible ea Lamsa, ha u ka elelloa holim'a lekhapetla la eona, ke triune, ke leseli la botrinitariane, leseli le khutlo-tharo le kang selikalikoe. 'Me mohla Ngk. Lamsa, motsoalle, motsoalle oa ka, a ne a fetolela Bible, leo ke letšoao la khale la Seheberu la Molimo ka mokhoa oa 'nete oa boraro-bo-bong kamoo A leng kateng; ha se Melimo e meraro, empa liponahatso tse tharo tsa Molimo o le mong: Ntate, Mora, le Moea o Halalelang. Leseli ke selikalikoe se sekolokoto sa Leseli

ka sebopeho sa khutlotharo, le bolelang hoba Molimo o tla aha ka liofisi tse tharo: boNtate, boMora, le lekhathe la Moea o Halalelang, tsohle ke Molimo o le mong.

⁶⁴ Empa na le lemohile pele Litiiso tse Supileng li senoloa, pele Leseli le leholo le mohlolo le hlaha maholimong holimo mona Tucson, Flagstaff, re ne re le kae? Moena Fred, ba babeli ba banna bao e neng e le... banna ba babeli ba ne ba le 'moho hoseng hoo. Neng, seo se boletsoe likhoeli le likhoeli pele ho nako, se tla etsahala. Ka bobeli Moena Fred Sothmann le Moena Gene Norman ba lutseng mona hoseng hona, mohla e... ba ne ba le teng mohla ho qhoma ho phatloha, 'me ho sa tsebjoe lintho tsenana li tla etsahala. 'Me A nthomela morao, ho bolela hobane nako e atametse ea Litiiso tsenana tse Supileng tse neng li tsoere liphiri tse supileng tsa Bibehe eohle, e ne e tiisitsoe ka Litiiso tsenana tse Supileng. Le kamoo mangeloi ana a theohang tseleng, manqosa a Mengoaha ea Liphutheho, a butse karolo e itseng ea seo. Empa horeng ea bosupa, moromuoa oa bosupa, liphiri tsenana tsohle li tla be li felile. Lea bona? Moromuoa oa bosupa oa lefatše, ua bona, lengeloi lena leo A buang ka lona mehlang eo le neng le le lefatšeng. *Lengeloi* le bolela "moromuoa." 'Me hape, ka mora moo, a bona Lengeloi le leng le theoaha, ese lengeloi la lefatše le neng le fuoe Molaetsa mona, empa, Lengeloi le leng le matla la tsoa le hlaha Leholimong ka mookoli holima Hae, 'me la beha leoto la Lona holima lefatše le leotleng, 'me la hlapanya ka Ea phelang kamehla le mehla, "Nako ha e sa tla ba teng." Le a bona? Empa pele A ka manolla Litiiso tse Supileng tseo ho li senola, Oa bontša mohlolo, Oa bontša pele leholimong.

⁶⁵ Ka lona letsatsi leo ba nka linepe hohle ka boroa ba United States le Mexico. Ke moo le leketlile joale ho Life Magazine, e sa le sephiri ho bona. Empa O e tlaleha maholimong pele A e etsa lefatšeng. O etsa seo kamehla. O bontša lipontšo tsa Hae maholimong pele.

⁶⁶ 'Me esita le ho Zodiaka. Ha ke khutle ho ruta Zodiaka, empa ke le bontša feela maholimo a E bolela. Ho Zodiaka re fumana, ka senkhome sa linaledi, hore O phatlalalitse Bibehe eohle senkhomeng sa linaledi sa—sa Zodiaka. Re fumana mono hore O qala, pele—pele setšoantšo sa Zodiaka ke Moroetsana, 'me setšoantšo sa ho qetela ho Zodiaka ke Leo Tau; ho bontša hore Jesu o ne a tla tla pele lefatšeng ka moroetsana, O tla khetlo la bobeli joalo ka Tau ea leloko la Juda. Le a bona? O feta hara lihlahli tse tšekaletseng pejana ho moo. Mongoaha oa Mofetše, oo re phelang ho oona joale. "Me maholimo 'ohle a Mo tlaleha," Bibehe e boletse.

⁶⁷ Joale, likhoeling tse 'maloa tse fetileng ke ile ka rera, letoto la likopano tabernakeleng, ka *Mengoaha e Supileng ea Kereke*. Lona, mohlomong, kaofela le li utloile. 'Me hoba ke qete ho taka Mengoaha e Supileng ea Kereke tlapantsong, kamoo Leseli le ileng la kena le kamoo Leseli le ileng la tima. 'Me kea kholoa

le e tšoare, mohlomong, mona nqa e 'ngoe; empa e har'a rōna, leha ho le joalo, rea tseba. 'Me ntho e makatsang, tsatsing la ho qetela mohla Mongoaha oa Kereke ea ho qetela o neng o takoa, Topallo e kholo ena ea Mollo (e hara rona) ea theohela har'a makholo a batho, 'me ea Ikhutlisetsa morao leboteng le ka morao la tabernakele. 'Me mono, pel'a makholo ana, ea rala Mengoaha eo ea Kereke, ho fifala le ho khanya, hantle feela kamoo ke neng ke takile e takile letlapeng. Ka mohlolo!

⁶⁸ Joale, letsatsi le leng, re fumane nalaneng ea kereke joale. . . Ka—ka Bibeleng, *khoeli* e emela “kereke,” 'me *letsatsi* le emela “Kreste.” Hoba re fumana ho Tšenolo, khaolo ea 12, *mosali* eo e ne e le “kereke,” a fihleloa ka khoeli tlas'a maoto a hae le letsatsi hloohong ea hae, linaleli tse leshome le metso e 'meli moqhakeng oa hae. Etsoe, e—e molao oa khale oa Sejuda oa Orthodox o ne o le tlas'a maoto a hae, o ne a tšetse hoo ho kena khanyeng ea letsatsi. *Linaleli tse leshome le metso e 'meli* ke “baapostola ba leshome le metso e 'meli” ba re tliselitseng melaetsa, joale, tlasa Moea o Halalelang. Joale re fumana khoeli maholimong e lokela ho halimisa leseli la letsatsi, mohla letsatsi le leng sieo. E re fa—e re fa leseli la ho tsamaea. Empa e sa le. . . Ho sa tsoetelehe kamoo e halimisang, ha se leseli le phethahetseng, hobane e ea halimisa. 'Me letsatsi le chabela khoeli, 'me khoeli e halimisa leseli la eona mohla letsatsi le leng sieo. Empa mohla letsatsi le chabang, khoeli ha e sa hlokahala.

⁶⁹ 'Me kajeno Kereke e halimisa Leseli la Mora Molimo ea leng sieo. Kereke ke khalimiso ea Leseli. Hobane O itse, “Ho se ho se hokae 'me lefatše ha le sa tla Mpona. Empa lona le tla Mpona, hobane Ke tla ba le lona, le ka ho lona, ho isa pheletsong ea mehla. Mesebetsi eo Ke e etsang,” Maseli ao A bonahalitseng. 'Me ha ho Leseli haese ka Lentsoe la Molimo. Ho bile le. . .

⁷⁰ Letsatsi leo ke Lentsoe la Molimo. Tšimolohong, Molimo o itse, “Leseli le be teng.” 'Me ha Lentsoe la Molimo le bonahatsoa, ha Lentsoe la Molimo le ne le bonahatsoa, leseli la eba teng. Pele, Molimo o e buile. Ho ka thoeng hoja le sa bonahatsoa? Joale etlabe e ne se leseli. Empa eitseha A le bua, eaba le a bonahatsoa, la netefatsoa, Lentsoe la Hae le ne le netefatsoa, leseli la eba teng.

⁷¹ 'Me e ka sebetsoa joalo feela joale, ke ha Lentsoe le netefatsoa, Lentsoe la Molimo le ngoliloeng le netefalitsoe, ke moo le bontšang Leseli. Ke, karoloana e bonesitsoeng, kapa e abetsoe mongoaha o mong le o mong. Re e fumana ho Mengoaha ea Kereke, re e fumana ho mengoaha ea kereke ea Testamente ea Khale—ea Khale. Nako le nako ha ho fihla nako ea—ea ponahatso e itseng ea leeto, moporofeta o tlike lefatšeng. 'Me Lentsoe le tlike ho moporofeta, 'me o phelisitse Lentsoe leo. 'Me ha Lentsoe leo le ne le tsebahatsoa, Le ne le halimisa Molimo. 'Me ho bile le e—e mongoaha, ho bile le Leseli. 'Me le Leseli le hlaha joalo kajeno.

⁷² Joale, ha ke na letho khahlano le phutheho efe ea bolumeli,

batho. Empa nka nahana sohle khahlano le litsamaiso, hobane li fosahetse. 'Me tsamaiso ea pele e kileng ea hlaha, e ne e le e—e tsamaiso ea Roma ea kereke ea Roma e Katolike. Oo e ne e le mokhatlo oa pele o kileng oa hlophisoa, e ne e le kereke ea Roma e Katolike, Nicaea, Roma. Lilemo tse ka bang makholo a mararo le mashome a mabeli a metso e mehlano kamora lefu la Kreste, 325, ha hlaha mokhatlo oa kereke ea Roma seo sa kopanya batho 'me sa rothofatsa ntho efe feela e khahlano le eona. Ke hona moo ba fumaneng lithuto tsa bona tse makatsang 'me ba qala tsamaiso hole le Lentsoe. 'Me joale kereke eo, ho tloha mohlang oo, e halimisitse lefifi ka tšoanelo, hobane mehleng eo re feta, seo re se bitsang, “Mengoaha e Lefifi,” lilemo tse ka bang sekete. E tsebjoa ke boranalane bohle le barutehi ba Bibe, joalo-joalo, joaloka Mengoaha e Lefifi, e ne e le ha kereke ea Boroma e ne e laola ntho 'ngoe le e 'ngoe.

⁷³ 'Me kereke ena ea Roma ke “e—e 'mè oa liotsoa,” Bibe e boletse, ho Tšenolo 17, “e ne e le seotsoa, le 'mè oa liotsoa.” Joale, hoo ke bohloa, bophelo bo litšila ba mosali. Bobeli ba tsona ke ntho e le 'ngoe, bobedi li a tšoana. Ka hona haeba—haeba e le seotsoa, e tlameha e be ke mosali. Ka baka leo, le a lemoha ha se, “seotsoa,” empa, “liotsoa.” Le a bona? Ke “eèna,” bonngoeng, “sehlola.” Ka hona, likereke li bitsoa “liotsoa,” barali ba sehlola sa Roma. Ke 'mè oa tsona tsohle, 'mè oa mokhatlo.

⁷⁴ 'Me na ha se ntho e makatsang, hore mehleng ena re fetile ka hara lintho tsena tsohle, 'me Molaetsa o parotse lefatše khahlano le mokhatlo, O le phatlotse ho tloha ho le letona ho ea ho le letšehali, hoo, horeng ena e boletsoeng ho tloha ka 1933, mohla Moea o Halalelang o neng o mpha lipono tseo le ho mpontša nako ea qetelo, lintho tse supileng tseo ke buileng ka tsona, 'me tse hlano tsa tsona li se li etsahetse, ka ho phethahala, hantle feela; joaloka Jeremane le—le Italy le lintoa tsohle, le lintho tsa naha (ke ka seole ke bolelloang lintho tseo). Empa li etsahetse hantle feela kamoo A boletseng hore li tla etsahala. Kamoo Mussolini a neng a tla ea Ethiopia, 'me Ethiopia ea khehlemana khatong ea hae, 'me hape kamoo a neng a tla tlotlolloa, 'me a tšoele ka mathe ke batho ba habo; le ho hlabisoa lihlolong, ho hlanamisoa fatše, le seotsoa seo a phetseng le sona, seterateng. Kamoo Amerika e tla kena ntoeng le Jeremane, ba ne ba tla otlakoa ha bohloko sebakeng se bitsoang, lerako le leholo teng ho be le qhobosheane ea konkreite, kea lumela e bitsoa Lerako la Siegfried. 'Me le leng le bitsoa Maginot, kea lumela hore e ne e le Lefora. Na ho ne ho le joalo? 'Me Lerako la Siegfried e ne e le lerako la Jeremane. 'Me Morena a ntumella ho bona seo, lilemo tse leshome le motso o mong pele le hahuoa. 'Me ba ke ke ba amohela ho otlakoa teng, Maamerika a ke ke a etsa joalo, ho fihlela ba batlile ba tebisa lebotho lohle. Mohla ba keneng mono, Majeremane a ne a koetlisetsa lithunya tsa bona hantle feela holima lethala leo la likepe, 'me ba le lesa ho kena hantle

ka mono, 'me sa batla se se tebisoa. 'Me ka bona seo, lilemo tse leshome-ningoe pele lerako le ka—le pele motheo o aloa, kapa eng feela, Lerako la Siegfried. Le lintho tsena tse ling tsohle, joaloka mechini le makoloi, le—le kamoo ntho e 'ngoe le e 'ngoe e theohileng hantle seo A se buileng, ho fihlela mosali a busa sechaba sena, etsoe, mohlomong, ke kereke. 'Me eaba qetelo e a fihla.

⁷⁵ Joale rea fumana tabeng ena, ntho ena eohle le kamoo ke phatlotseng mokhatlo, na ha ho makatse mohla mopapa oa Roma a ne a tloha Roma khetlo la hae la pele ho khutlela Jerusalema? 'Me ka ho etsa hona . . . Jerusalema e tsebjoa e le kereke ea khale ka ho fetisisa lefatšeng lohle.

⁷⁶ Mohla Melkisedeke a kopaneng le Abrahama a tsoa qhalanya likhosi, E ne e le Khosi ea Jerusalema, Moprsta, e beng e le Kreste, e ne e le Molimo; ha ho mang e beng e ka ba Melkisedeke haese Kreste ka Sebele, Molimo ka Sebele, ke rialo, le a bona, Molimo ka Sebele, hobane O ne a se na ntate le 'mè. Le a bona? Jesu o ne a e-na le ntate le 'mè 'moho, le a bona. Ka hona Monna enoa o ne a se na ntate, a se na 'mè, a se na qaleho ea matsatsi kapa qetello ea bophelo. 'Me e ka bang Mang, O sa phela. 'Me E ne e le Khosi mehleng eo, ea *Saleme*, e tolokoang, "Morena oa Khotso, Shalom." Morena oa Jerusalema, ea kopaneng le Abrahama a mo abela veine le bohobe, selallo, ka mora nto. Papiso e ntle haholo mono khaolong ea 7 ea Baheberu, re a e fumana. Joale, ho mo neha bohobe le veine hoba nto e fele. Ha Eèna . . .

⁷⁷ Ke ntho ea pele eo re tla e ja mohla re kenang 'Musong o Mocha, re tla ja bocha le Eèna 'Musong oa Ntate, bohobe le veine. "Ha Ke sa tla noa se behoang ke morara, leha e le ho ja bohobe, ho fihlela Ke ja le lona, bocha, 'Musong oa Ntate, le ka letsatsi leo."

⁷⁸ Joale, joale rea fumana hoba Morena Shalom a be . . . a tsoa motseng, eaba tumeloana ea o hapa, hamorao. 'Me esale e le tumeloana, empa e lekanya kereke ea khale. 'Me re rutoa Testamenteng e Ncha, le se hlolehe ho e tsoara, ka hara Testamente e Ncha ha re ba motse ona Jerusalema, lefatšeng, empa re tsoa Jerusalema e Mocha, holimo. Ka hona ena e tsoanetse e be e le khoeli, Jerusalema, hase Jerusalema e Ncha, e holimo. Kahoo khoeli e emetse kereke, ea lefatše.

⁷⁹ 'Me na ha ho makatse pejana mopapa a kena Jerusalema leetong la hae, hore khoeli e maholimong e ne e ntšofalitse ka botlalo, matsatsi a 'maloa feela pele a e nka, leeto la hae. O tla mona hape, le a tseba, le a bona. Joale taba eo ha eso tsebjoa, le a bona. Empa e bontša eng? Hoo, sena, o etsa sena ho hapa setsoalle joalokaha a kopane letsatsi hoba a kene Jerusalema, o kopane le bolaoli ba Greek Orthodox. 'Me ebe hoo ho halimisa eng? Ba batla bolekanane, Maprotestanta le Bokatolike ba kopana,

e leng seo ba se etsang 'me ba tla se etsa ka botlalo. 'Me Molimo oa halimisa sena ho rona, khoeling, ka phifalo e felletseng. Ka mohau le lereko la Hae. . .

⁸⁰ Na e mong oa lona o bone pampiri moo ba nkileng litšoantšo tsa khoeli? Ke e tšoere mona. Haeba e se setšoantšo se phethahetseng, ho siea mongoaha oa bosupa o esong ho be teng, hantle feela kamoo ke takileng ka Moea o Halalalang, Mengoaha ea Kereke! E tšeletse ea eona, oa bosupa ha o eso fele. Maemo a tšeletseng a khoeli, khanya ea eona mongoaheng oa kereke ea pele; lefifi ho oa bobeli, oa boraro, oa bone, oa bohlang, le oa botšelela; feela kamoo Moea o Halalalang o ntumelletseng ho e taka letlapeng, le ho ba tsebahatda le Eèna leboteng la tabernakele, lilemong tse peli tse fetileng. Khoeli e a ikhalimisa, 'me saense e boela e katlatsa setšoantšo sa, Mengoaha ea Kereke, joalokaha ba thonakile Leseli leo 'me ba le kenya Life Magazine, la manollo ea Litiiso, tsa tšenolo ea mongoaha oa lengeloi la bosupa. Matsatsing a bosebeletsi ba hae, moromuoa oa bosupa, liphiri tsa Molimo, etsoe liphiri tsohle esale li hlahlile mengoaheng, li tlameha ho senoloa, ho bonahatsa, e loketse joalo mehleng eo. 'Me O e entse! Mantsoe a Hae ha a hlolehe. Na eo ha se ntho e makatsang? Molimo o taka leholimong ntho e tsoanang le eo ba e tsoereng, Molimo 'ona o tsoanang oa ntumella ho taka letlapeng, e ntoo ba ka Boeena. O tsebahalitsoe hararo ka ho phethahala, le pele feela mopapa a kena Jerusalem.

⁸¹ Etsoe, eo e ne e le kereke, khoeli ke kereke, e emetse kereke. 'Me ka pel'a kereke, seriti sa lefatše se parola khoeli. 'Me seriti sa bo-lefatše, seriti sa selefatše, kereke ea lefatše, e haotse ho fifatsa Leseli lohle la Bible. Lefatše la sirela Leseling la khalimiso. Na lea utloisisa? Lefatše le parotse leseling la khoeli, 'me la fifatsa letsatsi. 'Me khalimiso ea khoeli e tlamehang ho bonesa lefatšeng, e ne e fifetse. 'Me Oa kena oa taka litšoantšo hantle feela joalokaha O entse, ka tšusumetso, pele e etsahala.

⁸² Joale hoo, ke a kholoa, Khaitseli Simpson, e ne e le pampiri ea Tucson. Ha ke tsebe haeba Khaitseli Simpson a tsebile. . . O ne a sa e utloisise lekhateng leo. A re, "Ke u taboletse litšoantšo tse ling, le lintlha tse ling pampiring," a mpha tsona.

⁸³ 'Me ka nahana ntho e makatsang. Ka kena ka mono ka e nka, 'me ka e sheba, ka re, "Ke eona hantle, hantle feela, u a bona, hantle feela seo esale ke se batla." 'Me e ne e le eo pampiring.

⁸⁴ Khaitseli Simpson a ka u bolella pampiri ea eona, ha u batla kopi ea eona. [Khaitseli Simpson o re, "Ke Tšitoe oa la 28."—Mohl.] 'Me—'me ho thoeng? ["Ke khatiso ea mantsiboea ea Tšitoe oa la 28."] Khatiso ea mantsiboea ea la 28 Tšitoe.

⁸⁵ Le a bona, pele a ea Jerusalem ho thiba Leseli la eona, kapa phunyeletso efe ea eona. Nako afe, maemo, le litokelo life tsa Eona ho phatsima, joale e E khaola ka hotlalo, bakeng sa

mongoaha oa ho qetela, mongoaha oa kereke ea bosupa moo o kenang lefifing. Ke ntho e kholo hakakang eo Morena a re bolellang eona. Nthong e 'ngoe le e 'ngoe, ha E eso hlolehe haese seo Molimo leholimong o se tlalehileng le ho se bolela, ho se sheba, 'me ke mona o e tsebahalitse le ho e netefatsa, hore ke 'Nete e tiileng.

⁸⁶ Lefifi, Mongoaha oa Kereke ea Laodisea. Joale athe Jesu, e leng Lentsoe, Mongoaheng oa Kereke ea Laodisea o ne a eme kantle ho kereke, a kokota monyako, a leka ho kena. Lefifi, lefifi le letšo holima batho bana. Na Bibe e ne e nepile?

⁸⁷ Phethahatso ea Lengolo, khanya ea Lebitso la Hae le lehlo. Ketelo ea mopapa e ne e le sesupo sa likereke tse ntšofatsang ponahatso ea Hae. . . Leseli le bonahalitsoeng la lefatše e ne e le Bibe. Jesu o itse E ne e le Leseli la lefatše. Bibe e itse Ke Lentsoe. 'Me Lengolo le bonahatsoang, kapa ho netefatsoa, ke Leseli. Joale u ke ke ua lumelloa ho e etsa mohla sena se fuparang. 'Me re e bone e tšoantšitsoe, e boleloa ka pululelo pele e etsahala; e bontšitsoe ke khoeli, le ho e bontša e etsahala, 'me ke ena e a etsahala.

⁸⁸ Hora e fihlile, lefifi, lefifi le teteaneng. Lefifi le teteaneng holima batho joale, ke seo e leng sona. Hoo hohle ho bolela eng? Re eme kae? Re horeng efe? Re haufi hakae le ho Khutla? Be, u re, "Athe bohle ba tšoere tsoseletso."

⁸⁹ "Se tšabeng, mohlatsoana, ke thato ea Ntata lona e molemo ho le nea 'Muso." Ho lokile.

⁹⁰ Ebe e bolela'ng? Molimo o qalile ho arola Leseli ho lefifi, ua bona, ho le hatella morao, joaloka ha A entse tšimolohong, ho chabisa mafube a letsatsi le lecha. Mengoaha ea Kereke e a nyamela. [Moena Branham o hlakisa 'metso oa hae—Mohl.] (Ntšoareng.) Mengoaha ea Kereke e a nyamela. Molimo o suteletsa lefifi nqa e itseng, le tlameha ho e etsa, ho fifatsa mekhatlo ea kereke, ho fifatsa lefatše. Lefatše le kubuta ntho eo, 'me bolefatše bo hapile ntho eohle. Joale na Molimo ha o nepahale? Ka lintho tsa lefatše, le moaparo oa lefatše, le boitšoaro ba lefatše, le bophelo ba lefatše, ke lefatše!

⁹¹ Ha le ba lefatše, bana ba banyenyane. Le ba Leholimō. Lena ha se Lehae la lōna.

⁹² Hobaneng ke tlameha ho sheba, ho rōna batho ba holileng, ho leka ho hetla morao le ho ba mocha hape? Re ke ke ra etsa joalo. Empa re shebile pele, ha re a hetla morao. Re shebile mona, se kileng sa ba teng, 'me re batla ho tseba se tlang ho ba teng. 'Me re batla hora eo, re hahamalla ho eona.

⁹³ Kajeno batho ba bangata ba lokileng, ba hloekileng ba hapoa ke litumeloana tsena, likereke tsena le mekhatlo, "ba nang le sebopheho sa borapeli, ba mpa ba latola Matla a jona," joaloka Timothea oa Bobeli, khaolo ea 3, e rialo.

⁹⁴ Lefifi le letšo, ho phoufatso ea Iseraele, e ne e le bakeng sa ponasetso ea Balichaba. Joale phoufatso ea Balichaba ke ponasetso ea Iseraele. Ho tšoana feela le motšeaare le bosiu; lehlakore le leng le lefifi, lehlakore le leng le leseli; 'me leseli le ntoo hlaha ka lehlakoreng le leng. Ka hona e—e khoeli ha e feta ka mokhoa oo, 'me khalimiso ea lefifi la lefatše e sira leseli la eona, ke khalimiso ho rona hore mongoaha oa kereke ea Balichaba o felile. Kereke e a Itokisa, esale A itokisa nako, ke nako ea Tlhoibilo. Hobane lefifi le ntse le nyamela ho Balichaba, 'me mafube a tla bonesetsa Bajuda. Letsatsi le haotse ho tloha Bochabela ho ea Bophirima, 'me re Lebopong la Bophirima. Leseli le ka etsa ho le hong feela, ho khutlela Bochabela, ka nqane. Le a utloisisa, akere? Leseli le ka khutlela Bochabela feela hape, moo le qalileng teng, Iseraele. Molimo o ba fofalitse nakoana, empa e—e lefifi le aparetse lefatše la Balichaba le apesiteng ntho eohle. Balichaba ba tla hatakela Jerusalem ho be ho phephehe lekhathe la Balichaba. Jesu o boletse joalo. 'Me joale ho felile, lefifi le letšo holim'a batho! Molimo o e bonahatsa leholimong, joaloka ha O e bontšitse lefatšeng pele eohle e etsahala. Re ka hara eona.

⁹⁵ Batho ba lokileng ba tšoasitsoe ke ntho ena, batho ba lokileng, batho ba tšepahalang. Joaloka Maria le Josefa, ba neng ba tšepahala haholo, ua bona, ba Mo hopotse A na le bona, athe O ne a le sieo. Maria le Josefa, le a tseba, mohla ba ne ba le moketeng, Jesu, lilemo tse leshome-peli, ba hopola, ba hakanya, hoba O na le bona, empa O ne a le sieo. Batho ba lokileng kajeno ba nahana ntho e tšoanang, ba, batho bana ba hlophisitsoeng Lekhotleng lena la Likereke, batho bana ba ka har'a mekhatlo ena, ba—ba hopola ba etsa botle. Ba hakanya hore O na le bona, athe ha ho joalo. Le a bona, batho ba bangata ba hopola A ne a ena le bona mohla ba tsukutlang matsoho le moreri 'me ba ngola lebitso la bona bukeng, empa O ne a se joalo. Batho ba bangata ba ne ba nahana, mohla ba neng ba fafatsoa, ba tiiseletsoa, ba kolobetsoa ka lebitso la "Ntate, Mora, Moea o Halalelang," ba hopola A ena le bona. Ke batho ba lokileng. Maria le Josefa e ne e le batho ba lokileng. Empa 'nete e le hore, O ne a le sieo! U se ke ua hakanya letho.

⁹⁶ Leseli ke eng? Lentsoe la Molimo le netefalitsoeng, le builoeng! Kantle ho moo, ha ho Leseli. Ua bona? U ke ke ua khantša lefatše ka litoche. E nka Lentsoe la Molimo le bonahalitsoeng, Mora.

⁹⁷ E ne e le batho ba lokileng. Lemohang tsepamo ea Lentsoe la Hae, kamoo Le phethahetseng kateng. Na le lemohile seo Maria a se buileng? Joale ho lona batho ba ratehang ba Katolike, ha ke na letho khahlano le lona. Ha ke na letho le khahlano le lona. Ke tsamaiso eo le leng ho eona. Le lona Maprotestanta, ntho e tšoanang. Ke litsamaiso!

⁹⁸ "Maria, 'm'a Molimo"? Ho fihlela, Moshanyana oa lilemo tse

leshome le metso e 'meli, mora oa hae ka sebele, a tlameha ho mo lokisa. Ha ho lekhetlo ka Bibeleng moo Jesu a kileng a bitsa Maria “'mè” oa Hae. E ne e se 'mè oa Hae. E ka ba 'mè oa Molimo joang? E ne e mpa e le popelo eo A e sebelisitseng ho tla lefats'eng, ho bonahatsoa lefats'eng, ka popelo. Ha ho letho ho eèna ho hang, ha ho Lengolo le le leng le kileng la re “'mè.”

⁹⁹ Hlokomelang kamoo Maria a fositseng, empa Lentsoe la Hae le phethahetse hona. O itse ho Eèna mohla . . . A Mo fumana ka tempeleng, a le lilemo li leshome le metso e 'meli, a buisana le baruti ba thuto ea bolumeli. A ba hlollama, e le Moshanyana ea lemo tse leshome-peli; a sa kena sekolo, kapa, haeba ho le joalo, ha re na rekoto ea eona. Empa Moshanyana oa lilemo tse leshome le metso e 'meli o ferekanya e—e ba bohlale ka tempeleng, ka bohlale ba Hae. O itse, “Na le ntatao re U batlile ka meokho.” “Ntate oa hao!” 'Mè ka boeèna, ha ho lekanngoa, o itse, “Na le ntatao Josefa re U batlile ka meokho.”

¹⁰⁰ O itseng ho eena? “Ana ha le tsebe Ke tšoanetse ho ba mosebetsing oa Ntate oa Ka na?” Hola A le mosebetsing oa Josefa, A ka be teile matlo, kapa levenkeleng la 'metli. Empa E ne e se mora oa Josefa. “Ke mosebetsing oa Ntate oa Ka, ho lokisa mekhatlo ena, le litumeloana, le lintho tseo Ke li utloang.” Le a bona? “Ke mosebetsing oa Ntate oa Ka.” Ha A amohela Josefa e le nate oa Hae. Empa Maria o entse joalo, 'me A retoloha a mo lokisa.

A re, “Na le ntatao esale re U batla.”

¹⁰¹ O itse, “Ke mosebetsing oa Ntate oa Ka,” ho bontša hore Josefa e ne e se ntate oa Hae. Mantsoe a Hae a phethahetse, le a bona.

¹⁰² Empa Maria le bao, ba lekanya hoo feela, be, ho bonsa seo e neng e le sona, a nkeha. O ne a—a na le . . . O ne a batla ho bontša ka pel'a moprista enoa le lintho tseo—hore—hore e ne e se mosali oa mofuta oo. 'Me eèna, ka ho etsa hoo, o hlile a qhaqholla motheo ka botlalo tlasa bopaki ba hae, hoba a pake hore Lengeloi le tlile ho eèna, le ho re, “U tla emola 'me u tsoale Mora, u sa tsebe monna, Mora ea tsoetsoeng ke moroetsana.” 'Me mona ka pel'a Sanhedrine e phahameng, o re, “Josefa, ntate oa Hao, le 'na, re U batlile.”

¹⁰³ 'Me Moshanyana eo oa lilemo tse leshome le metso e 'meli a re, “Ke mosebetsing oa Ntate oa Ka.” A mo khalema, “Eo ha se Ntate oa Ka!”

¹⁰⁴ Le bona kereke kajeno, e hapuoeng ke makhotla le—le lintho tsa lefatše, joale e ntšofetse. Molimo o a e khalema!

¹⁰⁵ Jesu ha a eso 'mitse “'mè.” Tsatsi le leng o tlile ho Mo etela likopanong tsa Hae, ka tlung e kang ena. Motho o tlile, ho re, “Kantle ho monyako mono, 'mè oa Hao le baena ba U emetse.”

106 A re, “Mè oa Ka ke mang, baena ba Ka? Ke bo mang?” A qamaka barutuoa ba Hae, ‘me a re, “Ba etsang thato ea Ntate oa Ka, ke ‘me oa Ka, moena oa Ka, khaitsemi ea Ka, le joalo. Ke bona bao.”

107 ‘Me sefapanong, mohla A ne a eshoa, O itse ho Johanne, morutuoa e monyenyanane, A re, “Bona ‘mao.” “Mosali, bona mora oa hao.” “Mora, bona ‘mao.” Lea bona, le khale, ha A eso itlalehe. E ne e se Mora oa hae. E ne e le Mora Molimo. E ne e le popelo feela.

108 Ena ke ntlu hoseng hona, empa ha se Kereke. Kereke e ka ho uena, Krete. Moea oa batho o lutseng mona, o kopane ‘moho libakeng tsa leholimo. Ke Krete, e seng ntlu. Ntlu e lokile, e sebeletsa morero oa eona, empa e sebelisetsoa liboka feela. Maria e ne e le popelo eo A e sebelisitseng ho tla lefatšeng, ho Itsebahatsa hara batho. E seng “‘mè oa Molimo,” hakaalo ka ha ntlu ena e se Kereke ea Molimo. E sebelisitsoe joalo feela.

109 Yaa, metsoalle e mengata e a nahana joale, batho, batho ba lokileng ba kang Maria le Josefa, ba nahana hore—hore O na le bona ha ba etsa sena. Empa joalokaha ba entse mohlang oo, ba joalo le hona joale, ba fositse. Ba hopotse ba na le Eena, empa ba ne ba se joalo. Empa eareha ba kolobetsoa, batho ekababa nahanne, “Oh, ke—ke Mo amohetse mohla ke Mo amohetseng ‘me ke kolobetsoa.” Ha se eona, ho fihlela Lentsoe le builoeng le Ikhalmisa.

110 Empa, Bakhethoa, ho ka thoeng ka Leseli joale? Esale ke bua haholo ka lefifi, ‘me ke qetile halofo ea nako ea ka, mashome a mararo ka morao ho leshome le motso o mong. Joale ha re e khutliseng; botšo bo aparetse batho, joale ho ka thoeng ka Leseli? O itse botšo bo tla aparela batho, empa Leseli le tla chaba, “Tsoha, ‘me u khanye, hobane Leseli le tllile.” Lefifi le Leseli li ka ba teng joang, li tlameha ho aroloa. ‘Me ntho e ‘ngoe feela e li arolang, Lentsoe le bonahalitsoeng, lea arola, Le le qhelela lehlakoreng le leng la . . . Lefifi ke *lena* holima lefatše, empa ha Lentsoe la Molimo le bonahalitsoeng, letsatsi, etsoe le bopiloe ke Lentsoe ho ba teng, lea iponahatsa, lefifi le mathela mose oane. ‘Me ke sona se etsahalang hona joale, lefifi le ikarola Leseling. Joale ho Kereke e khethiloeng horeng ena e lefifi. . . Etsoe, re ka qeta lihora holim’a seo, empa ke nahana hore ke buile ho lekaneng ho fihlela le utloisisa se—se boleloang ke Lengolo, ha ke ne ke re, “lefifi le leholo holim’a batho bana.”

111 Joale ke re ho Kereke, “Shalom. Khotso ea Molimo.” Khotso! Moheberu e mong le e mong oa ‘nete, ha a kopana le e mong, “Shalom.” Ka mantsoe a mang, “Lumela hoseng hona! Molimo a be le uena! Khotso ea Molimo e be le uena!” Ke “Lumela hoseng hona! U phela joang?” Letsatsi lea chaba, Kereke. Lefifi le aparetse batho, empa ke “Lumela hoseng” ho Kereke. Krete o hlaha har’a rona. “Shalom. Khotso.” Alleluia! “Shalom.”

112 Ha re bona lefifi le aparela, lefifi pele letsatsi le chaba, rea tseba hoba naleli ea meso e leketlile koana ho tsebisa letsatsi le tlang. Eona, ke mohla naleli ea meso e chabang. E—e—e kena lipakeng. Kamehla ho fifala metsotso e 'maloa feela pele ho letsatsi, botšo bo a fihla, khoeli e sitoa ho chaba. Lefifi le fetisisang pele ho letsatsi, ke hobane leseli le hatella lefifi. Empa naleli ea meso e a hlaha e re, “Lumela hoseng. Shalom.”

113 Ke Eèna har'a rona, Lentsoe la Hae le a tsebahatsoa. Shalom. Letsatsi le leholo le haufi le ho chaba, mohla mafube a hlahang Bosafeleng, bo khanyang, bo botle, ha bakhethuoa ba Hae ba tla kōpana mose ho sebaka. Mabitso ha a baloa, ke tla ba teng. Mabitso a rona a Bukeng ea Hae, re tla ba teng mono. “Shalom. Lumelang hoseng. Khotso e be le lona.”

114 Lefifi le ikarola ho Leseli. Ke Molimo ea etsang sena, ke Leseli le etsang sena. Bonang, Leseli le Ikhatella hoo lefifi le tlamehang ho ipokanya hammoho. Ba bile le monyetla oa ho Le amohela 'me ba hanne ho e etsa, ka hona la ipokanya. 'Me ba etsa hono ka ho kopanya kereke 'moho, le Lekhotla la Likereke, le ho e kopanya le lefifi la bohetene. Athe ha ba lumellane ka thata, empa koana ba ne ba lokela ho tsamaea 'moho ho lihela bosiu holima batho.

115 Esaia 60:1 e re, “Tsoha, bonese, hobane Leseli le u chabetse.”

116 Tsoha, 'me u bonese, Leseli le tlike. Lentsoe, Leseli, le boetse le netefalitsoe. Leseli le boetse le netefalitsoe, Lentsoe la Molimo, le tle le bone Molimo a bonahatsoa tšepisong ea Hae ea Leseli la letsatsi, kapa Lentsoe le nehiloeng mongoaha ona, le a bona, litšepiso tse tse etselitseng letsatsi lena, litšepiso tse tse boletsoeng ke baporofeta, le ke Jesu ka Sebele. Letsatsing lena! “Molimo, mehleng ea khale . . .” Baheberu 1, “Molimo, mehleng ea khale, ka mekhoe e mengata o buile le bontata bona ka baporofeta, empa letsatsing lena la ho qetela ka Mora oa Hae, Jesu Krete.” Le a bona?

117 Leseli le leholo le neng le leketlile lefelling, le neng le le teng, athe Moshe o ne a tele Egepeta, a lekanya hoba sekhobo sa Krete ke letlotlo le fetang leo la Egepeta.

118 Eena eo Ea kopaneng le Saule tseleng e theohelang Damaseka. Leseli le leholo le ne le leketlile ka pel'a hae, lona Leseli leo, eona Topallo ea Mollo. Saule, e leng Moheberu, a ke ke a khumamela moea ofe, kapa ho e bitsa “Morena,” maemong ao a neng a le ho 'ona. A re, “Morena, U mang?”

119 A re, “Ke 'na Jesu.” (Jesu o itse, “Ke tsoa ho Molimo, 'me Ke ea ho Molimo.”)

120 Lona Leseli leo le tlike. Ho etsa'ng? Ho bonahatsa, ho—ho tsebisa batho litšepiso tseo A li etselitseng letsatsi lena, Leseli le bonahalitsoeng la letsatsi. Lefifi le fifetse.

121 Mohla A ne a fihla, E ne e le Leseli la letsatsi. Messia o ne a loketse ho tla. 'Me O tlike hantle feela kamoo Molimo o boletseng A tla fihla, ho tla. 'Me ha A etsa joalo, E ne e le eng? Leseli la letsatsi. 'Me La hatella lefifi hakana khahlano le Eëna! Na ho joalo? O ne a lokela ho nehela Bophelo ba Hae hore Leseli le tsoelle, le tle le bonese. E ne e le Leseli la letsatsi. Empa hobaneng, hobaneng E ne e le Leseli la letsatsi? E ne e le Lentsoe le netefalitsong le neng le builoe, le bonahalitsong. E seng ho feta . . .

122 Molimo o buile, holim'a lefatše le lefifi lena le lerootho, le boriba, le emeng mona le se na leseli, O itse, "Leseli le be teng." 'Me leseli le ne le eso bonese ho fihlela Lentsoe leo le bonahatsoa, eaba leseli le eba teng.

123 A re, "Ho tla fihla Mopholosi, Messia." Le joale Le eso bonahatsoe ho fihlela A fihla ho bonahatsoa tšepiso eo. 'Me eitseha A netefatsa tšepiso eo, O itse, "Batlisisang Mangolo, hoba ho 'Ona le nahana hore le na le Bophelo Bosafeleng; athe ke 'Ona A Mpakang."

124 Ba itse, "Ha re tsebe moo U tsoang teng, rōna re barutuo ba Moshe."

125 O itse, "Holane le barutuo ba Moshe le ka be le Ntseba, hoba Moshe o ngolile ka 'Na." Ua bona? E ne e le ponahatso. E ne e le netefatso ea Lentsoe la Molimo le builoeng ka Moshe.

126 'Me kajeno leo re phelang teng joale, Molimo o tlike temeng ho netefatsa le ho kholisa litšepiso tsa 'Ona. Ka hona, ke Leseli la hora, re tle re tsohe 'me re bonese. Leseli le re chabela hape kajeno, Lentsoe le ntse le bonahatsoa. Ke Leseli.

127 Joaloka leseli leo le chabileng kantle mane, mahlaseli a letsatsi, hoseng hona. Ke Lentsoe la Molimo le builoeng, ha ho letho le ka abang leseli joalo. Ha ho letho le ka e etsang. Leseli lefe la maiketsetso le a tima kamora nako, le ditlouloupu le lintho tsohle. Empa seo ha se hlolehe, hoba ke Lentsoe la Molimo le builoeng le bonahalitsong.

128 Litumeloana tsa mekhatlo li tla phatlola tleloupu, 'me li pshatle tleloupu, le ho khaola feuse, le ntho eohle esele. Empa Lentsoe la Moimo le ke ke la hloleha! Le tla lula e le Lona, kamehla, Lentsoe.

129 Ke tšaba hore ke tla tlola nako hanyenyane mona. Kapa, joale, kapa ho itoketse ho tsoela pele le ho qetela molaetsa ona, na ha ho joalo? Ho lokile.

130 Tsoha, o bonese, hobane Leseli le tlike ho uena. Lentsoe, e leng Leseli, le netefalitsong.

131 Mokhoa o le mong, joaloka Molimo, Jesu Krete e ne e le ponahatso ea Lentsoe la Molimo le builoeng, Leseli la hora.

132 Johanne Mokolobetsi e ne e le Leseli la hora. E ne e le Leseli pele Jesu e eba Leseli. Esaia moporofeta o itse, "Lentsoe la ea

hooang feelleng, lokisang tsela ea Morena, le ho otlolla tsela ea Hae.” E ne e le Lentsoe la Molimo le builoeng, Le ne le robetse mono, le eso phele. Malakia, moporofeta oa ho qetela, lilemo tse makholo a mane pele e etsahala, o itse, “Bonang, Ke roma lengosa la Ka pel’a Ka, ho hleka tsela ea Morena.” Ke mona ho tsoa a le mong feelleng, a se na mokhatlo oa bolumeli, a se na tumeloana, a se na boitsebiso. Empa Leseli la hae le mo tsebahalitse. Lentsoe le mo tsebahalitse.

Ba re, “Na u Messia?”

¹³³ A re, “Ha ke eèna! Empa ke lentsoe la ea hooang feelleng, ‘Lokisang tsela ea Morena!’”

¹³⁴ Jesu o itse, “Le tsamaile Leseling la hae.” E ne e le Leseli le khanyang le phatsimang nakoana. Hobaneng? Ho fihlela tsela e lokisoa, eaba Leseli la hae le a tima.

¹³⁵ U ke ke ua tsamaea leseling *leo*, lona Mabaptise, *Lena* ke Leseli la hora! Leseli le tlile. Tsoha, ’me u bonese. Lentsoe, Leseli. Lentsoe, Lentsoe la Molimo le bonahalitsoeng (le supiloeng) ke Leseli.

¹³⁶ Joale ho ka thoeng ka selemo se secha seo re tobaneng le sona? Re ka bua tse ngata mona lipakeng, ho tloha lefifing ho ea Leseling, ho tumisoa ha Leseli le kenang mahareng, empa joale re batla ho kena hantle selemong se secha. Ho lokile.

¹³⁷ Selemo se secha, selemo se secha, ho ka thoeng ka sona? Se tlisa tšepo e ncha. Re atametse haufi ka selemo. Re atametse ho feta maobane ka letsatsi le le leng. Re haufi ka hora ho feta mohla ke neng ke qala, leshome-hlano—metsotso e leshome-hlano pele ho leshome-nngoe, ke leshome-hlano pele ho leshome-peli joale. Re atametse ka hora e le ’ngoe! Ha re hetle morao, re shebile pele. Ua bona? Oh! E, monghali. Selemo se secha ha se bolele ho phetla leqephe le lecha. Huh-uh. Che.

¹³⁸ Joaloka monna hoseng ho hong; ke e utloile. Monna a tsoha esale hoseng, a tsoa, a nka pampiri, a khutla, ’me a lula fatše, a beha maoto a hae holima moalo divane, a roala ligalase tsa hae, a qala a bala pampiri. Mosali oa hae, a tsoile a-ea lokisa borakefese, a re, “John, tse ncha li re’ng?”

¹³⁹ Ho re, “Che. Tsa khale tse tšoanang, ke batho ba bacha feela.” Yaa. Ke hantle. Lipolao, lipeto le ntho eohle, e entsoe ke motho e mong, ua bona. Ruri.

¹⁴⁰ Ha se ho phetla leqephe le lecha. Ke, ho phetla Lentsoeng, ho bona seo Lentsoe le se tšepisang kajeno, bona seo Leseli la letsatsi le loketseng ho ba sona. Seo re tlamehang ho se etsa selemong sena ha se ho khutlela litumeloaneng le linthong, ho khutlela liphuthehong tsa rona tsa khale, ha se ho khutlela liphuthehong tsa khale tsa bolumeli; empa retelehela Lentsoeng, ho bona mofuta oa Leseli le tlamehang ho chaba kajeno. Oh, kereke, khutlelang Lentsoeng, khutlelang

Lentsoeng, khoephetsa soichi e nepahetseng, lesa ho phunya mabone a motlakase, le a bona, a maiketsetso, a entsoeng ke motho. Reteleha Lentsoeng la Hae 'me u bone tšepiso ea kajeno. 'Me u bone seo tšepiso e leng sona, 'me u shebe boitsebiso ba eona. Haeba e netefalitsoe, u tla tseba haeba u le Leseling kapa che. Ho bona seo tšepiso e leng sona.

¹⁴¹ Ho fetola maqephe kapa ho fetola likhalendara ha ho fetole nako. Batho ba bangata ba re, “Be, selemo sa khale se fetile, lahla khalendara ea khale ea Tšitoe joale 'me u fanyehe e 'ngoe, selemo se secha.” Ke seo—seo ke seo selemo se secha se se boelang ho bona.

¹⁴² Ho 'na, ke batla ho bona se tšepiselitsoeng letsatsi lena. Ke batla ho tseba seo Leseli la hora le leng sona, ke tle ke tsebe mokhoa oa ho tsamaea ho Lona. Ke batla ho tseba moo ke phelang teng, ke mongoaheng ofe, hore ke bohole bo bokae tseleng.

¹⁴³ Joaloka ha Pauluse a boletse, nka mamella ho qotsa hape, “Ho lebala tse kamorao, joale ke hahamalla pheo, pitso e holimo,” ho isa boitsebisong bo felletseng, mohla nako eohle e tla nyamela Bosafeleng mohla Jesu a tlang.

¹⁴⁴ Le etsise Davida, beang bokamoso ba lona matsohong a Hae. Le se shebe letho le sele, le mpe le behe ba lona. . . Davida o boletse mona, o itse—itse, “Nako ea ka e matsohong a Hae.” Lea eelloa mona ho Lipesalema moo re e balileng teng, ho 62, “Nako ea ka e letsohong la Hae. Ke lefika la ka.” Ke Eng? “O senoletsoe 'na. Ke 'Nete e senotsoeng. Nako ea ka e matsohong a Hae.” Amen. Oh, khili! Ke moo he.

¹⁴⁵ Nako ea ka ke ea Hae. Ke oa Hae. Ke letsohong la Hae hobane O tšoere nako. Ha ke tsebe seo bokamoso bo se tšoereng, empa kea tseba O tšoere bokamoso. Ka hona, Eo Ea tšoereng bokamoso o ntšoere. Joale hobaneng ke lokela ho nahana ka ho thea *sena*, *sane*, se *seng* bakeng sa selemo se secha? Ke ipheha matsohong a Hae feela, ho tsamaea joaloka Davida, “nako ea ka e letsohong la Hae,” ho tseba hobane Molimo o ne o tšoere bokamoso. Davida ha a tseba seo bokamoso e leng sona, empa o tsebile hoba Molimo o na le bokamoso. Ha ke tsebe bokamoso, ha ho mang oa rona ea etsang. Empa re a tseba O tšoere, bokamoso.

¹⁴⁶ Mamello. Mamello! Ba bang ba rona re a fihla, ba bang ba rona re a potlaka. Ke nahana banna ba bangata ba lokileng ba entse hoo, u potlaka haholo—haholo, u batla joalo, oa bona, u batla ho iketsetsa.

¹⁴⁷ 'Me baena ba bareri, le tseba ho tsoa kamoo ke buang, lona ba mametseng teipi ena, ke bua le lona, ha se phuthehoaneng feela, empa banna lefatše ka bophara.

¹⁴⁸ Banna ba bangata ba tsoa, ba hloka mamello, empa ba lumela hoba nako e haufi, u leka ho etsa ho hong ka hare ho uena. Emela Morena. Mamello ke matla. Ha u ka ba le mamello,

ke matla. Ke matla haeba u . . . “Ba emelang Morena ba tla bona matla a macha.” Ha se bao ba lekang ho eta Morena pele, ba lekang ho bolella Morena, “Morena, ke a tseba U batla ke etse *hona*, ’me tlotliso ho Molimo ke . . .” Se etse joalo. Emela Morena. Biblele e itse, “Ba emelang Morena ba tla bona matla a macha.”

149 Molimo o nkile lilemo tse likete ho phethahatsa tšepiso ea Hae ea Mopholosi ea tlang. Empa, hopolang, O e tsebile ka linako tsohle, mohla e ne e tla fihla. Ha hlaha batho ba bangata ’me ba leka ho fetoha bomessia. Likereke tse ngata tsa leka ho hlahisa bomessia. Empa Molimo o ne a behile nako ea Messia oa Hae. O ne a sa potlaka. Le a bona?

150 ’Me, mehleng ea sena, O bontšitse lipapiso tse ngata tsa Messia. O e bontšitse ho tloha ho Adama ho isa ho Messia, Adama oa pele le oa ho qetela; e mong oa lefatše e Mong oa Leholimō, e mong oa lefatše e Mong oa Leholimō, e Mong o theohile Leholimong ’me e mong o tsoa lefatšeng. Empa ho tšepisa Messia, O nkile lilemo tse likete ho e phethisa.

151 E bontšitse ka ho Josefa hantle seo A neng a le sona. Josefa o Mo bapisitse.

152 Davida o Mo bapisitse. Mohla Davida e neng e le morena ea khesitsoeng, a hloa leralla a hetla morao a llela Jerusalema, e le morena ea khesitsoeng, e ne e le Jesu ka ho Davida. Lilemo tse makhola a robeli hamorao, a eme holim’a Jerusalema joaloka Morena ea lahluoeng, ho re, “Jerusalema, Jerusalema, Ke ratile hakae ho u bokanyetsa joaloka khoho litsuanyaneng tsa eona, empa u hanne.”

153 Shebang Josefa, ea tsoetsoeng hara banababo, bapatriareka; ha se oa ho qetela, ea etelling oa ho qetela, Benjamine e ne e le oa ho qetela, empa pejana ho oa ho qetela, le a bona, pejana feela ho eona. A hlouoe ke banababo, a ratoa ke ntatae. A hlouoe hoba e ne e le monna oa moea. O khonne ho koaholla litoro, li ne li nèpile hantle. O bone lipono, ho lepa lintho tse tlang ho hlaha. ’Me ba mo hloile. O ile a rekisoa ka likotoana tse mashome a mararo tsa silifera.

154 Ba hloile Jesu ka lebaka lefe? Ba Mo bitsitse Belsebule hobane E ne e le Lentsoe, ’me Lentsoe le khona ho senola mehopollo e ka lipelong. Ba ne ba Mo hloile. Me ba Mo rekisa ka likotoana tse mashome a mararo tsa silifera.

155 A lihelo a lemeneng, Josefa eena, a lekanngoa a shoele. Seaparo sa hae se tletseng mali sa siuoa morao, joaloka seaparo sa Jesu se tletseng mali se nkiloeng sefapanong, seaparo seo A neng a se apere, ho supa lefu la Hae. Empa Molimo oa etsa’ng ho Josefa? A mo nyolla lemeneng, a mo lulisa letsohong le letona la Faro. ’Me ho se motho ea ka bonang Faro, haese ho bona Josefa feela. ’Me enereha Josefa a tloha paleising, ho letsa literompeta ’me ho letsoa phala, “Lengole ka leng le khumame, Josefa o a tla.”

¹⁵⁶ Ntho e tšoanang, Jesu. O ntšitsoe lemeneng, ho lekanngoa moo A neng a shoele, ho tsooa le ho lula letsohong le letona la Boholo. “Ha ho ea kileng a bona Molimo le ka mohla, haese ea Tsoetsoeng a ’notši oa Ntate. ’Me mohla A tlohang mono, literompeta li tla letsoa, le lengole ka leng le khumame le leleme ka leng le bolele.” Lea bona, Ke Morena oa katleho. Shebang seo Egepete e se entseng mohleng oo, e pholositse lefatše lohle, komello ea hlaha. Ka baka leo, ho tla ba joalo ho tleng ha Mora motho. Lengole, lengole ka leng le tla khumama le leleme ka leng le tla Mo paka joalo.

¹⁵⁷ O bontšitsoe hohle ka lipapiso, empa Molimo o tsebile hantle hore O tla tla neng. O tsebile hantle mohla A tlang. Ho sa tsoetelehe ba ne ba tšoere ba bakae pele ho moo, O ne a tšoere Messia oa Hae. O ba bontšitse ka lipapiso, se neng se tla latela.

¹⁵⁸ Hantle feela joaloka ha A re bontšitse Mengoaha e Supileng ea Kereke, se neng se tla hlaha. Hantle feela seo A re bontšitseng se ne se tla fihla mohla A behang Leseli leo holimo mono, tšenolong ea eona, ho bontša lefatše. Mohla A romelang Mangeloi a supileng ho senola manqosa a supileng a neng a fetile tlase mono, le ho bontša lintlha tse lokotsehang, Lengeloi ka leng le fihlang letsatsi ka leng le senola lintlha tse lokotsehang tseo Luther a li siileng, le Wesley a li siileng, le Pentakosta e li siileng, tsohle li bapisitsoe ka mono. Le ka papiso le seriti sa Shalom e khōlō, Jehova, *Yahweh*. Le a bona? Hantle feela. Ho E lahlela marung, ’me leihlo la mochini le nkang setšoantšo sa Eona ke leo. Le a bona? Ho lebohuoe Morena!

¹⁵⁹ Shalom! Khotso! Se tepelleng, Jesu o teng mona. Leseli la Hae le leholo le tlile ho rona, ’me re a Le lebohela, e, Lentsoe la Hae, sephiri se seholo. Ke Enoa kajeno o a Iponahatsa, o etsa se tšoanang le seo A se entseng mohleng oo, ka ho tšoana feela. Ho etsa ntho e tšoanang.

¹⁶⁰ Re libopuo a tsa nako. Ke Molimo oa Bosafeleng. Re leka ho ikhatella, re leka ho etsa ntho e fapaneng, “Oh, *sena* se tlameha ho etsoa.” Hopolang, O tseba tsohle ka eona. E tla etsahala, le ha ho le joalo. A ke a e etse. U mpe u inehle ho Eèna feela.

¹⁶¹ Sheba holimo, ’me u bonese ka thabo ea Morena, ho tseba hobane u filoe monyetla, mahlo a hao a butsoe ’me u bone letsatsi lena. Itšepele Eèna bakeng sa bokamoso. Le ’Mone a netefatsa Lentsoe la Hae matsatsing a fetileng. Ea netefalitseng Lentsoe la Hae matsatsing a fetileng le ho phethisa lintho tse ling tse na tsohle hantle ho fihla horeng eo re phelang ho eona, ntho eohle ka tšoanelo, ho fihla Molaetseng oa lengeloi la bosupa, bobeli E bontšitsoe leholimong, lefatšeng, le ho E tsebahatsa ka litsela tse tharo hore ho se hlahe phoso, hopolang, O tšepisitse hoba O tla khutla hape. Alleluia! Lentsoe leo le tla netefatsoa. Lentsoe la Molimo le tšepisitsoe, lilemong tse likete tse peli tsa ho leta, O tla fihla ka nako! Le se ke la khathala, O tla fihla mona. Joaloka

ha A netefalitse Lentsoe la Hae mongoaheng o mong le o mong, Mengoaha ea Kereke e bontša ntho eona eo, le ho senoloa ha Morena oa rōna ka Molaetsa oa bosupa, le joalo-joalo, Molimo o E senotse, ho E bonahatsa, le ho E paka. 'Me har'a rōna kajeno, O Iponahalitse le rōna mona, le ho kholisa le ho nêfefatsa Lentsoe la Hae, O tla etsa joalo. . .

¹⁶² Mileniamo o tla fihla. Maqheku a tla nchafala mono kamehla. Maloetse a tla nyamela 'me lefu ha le sa tla ba teng. Ba tla haha matlo, ba lule ho 'ona. Ba tla jala masimo a merara ba je tholoana ea 'ona. Ba ke ke ba lema 'me e mong a e nke (mora oa hae a e nka), mora oa hae o tla lula haufi le eena. A ke ke a lema 'me e mong a je, a shoe 'me motho e mong a e nke; empa o tla phela mono. Amen. Phiri e tla fula hammoho le konyana. Tau e tla fula joang joaloka poho, 'me ngoana o tla li alosa. Ho tla ba—ho tla ba le ho hloka molato. Ho tla ba—ho tla ba—ha ho letho le ka utloisang bohloko. Re tla fetoloa ho tsoa ho seo re leng sona joale, ho ea setšoantšong se khanyang seo sa Mora Molimo E leng ho sa shoeng. Lilemo li ke ke tsa Mo ama, lilemo li ke ke tsa Mo etsa letho, Ke Mora oa Molimo ea sa shoeng. Ka hona re a tseba hore—hore re nakong ea qetelo. Re mteanong. Lintho tsena tsohle li tsebahatsoa ka botlalo, ka hona li tla tsebahatsoa hape.

¹⁶³ Joale, bokamoso, O bo tšoare. Ke tseba joang mohla A tlang? O tla neng? Ha ke tsebe, empa O tla ba teng mona. Ke hantle. O tla etsa *tjena* le *tjena* neng? Thohako e tla tloha neng lefatšeng? Ke neneng mohla likhalimiso tse bokoang tsena tsa lerato la Molimo li tla fihla, tsa lifate tse emeng mona 'me li phatsima, le lipalesa le lintho, li tla mela neng li sa shoe? Ha ke tsebe, empa li tla etsa joalo. Ke neng mohla khalimiso eohle ea lipelo tsa batho lakatsang ho phela, le likokelo le lingaka le liopereishene, le lillo le mahlomola, li tla khaotsa neng, ho ea pusong e ntle ea Jesu ea lilemo tse sekete tsa Shalom? E tla hlaha neneng? Ha ke tsebe. O itse e tla fihla mono. Ha ke tsebe O tla e etsa joang, empa Lentsoe la Hae le builoeng le tla netefatsoa mohla Letsatsi la ho Loka le chabang ka pholiso mapheong a Lona. 'Me kabelo ea pholiso e ke ke ea e-ba pholiso ea 'mele joaloka ha u nahana, joalokaha ho thoe motho o jhoa ke boloetse 'me bo tla tlosoa ho bona. Ke seo A se etsang joale, ka papiso. Empa popo eohle e tla fetoloa! Motho enoa ea shoang o tla apara ho sa shoeng. Botsofali bona bo tla tlolela bocheng. Amen. Be, ho tla ba joang? Ha ke tsebe, empa bo tla fihla mono.

¹⁶⁴ Ke a tsofala, ka bonna. Monongoaha, ha Morena a ntumella ho phelela ho bona 'Mesa oa 6, ke tla be ke le lilemo tse mashome a mahlano a metso e mehlanu, leqheku la monna. Empa ha ke a sheba. . . Ha ke batle ho khutlela ho ba moshanyana hape. Ke batla ho hahamalla pheo eo koana, morero oo ke o tletseng. Lilemong tse ka bang mashome a mararo le ho hong joale esale ke eme ka mora deseke ena, ho tloha ho moshanyana e monyenyanane

oa lilemo tse mashome a mabeli le lethoana, lilemo tse ka bang mashome a mabeli a motso o mong, mashome a mabeli a metso e 'meli, Ke lekile ho tumisa Molaetsa ona. Le ounse ka 'ngoe ea matla a ka ke e sebelisitse Teng. Haeba mahetla a ka a kobeha le moriri oa ka o pulufala 'me o foforeha, ha ke hetle morao ho seo, e tla fihla ho e etsa hape. Ke shebile koana ho hlaheng ha mafube moo Lentsoe la Molimo le netefalitsoeng le boletseng “ha ho le moriri o le mong oa hlooho tsa lona o tla timela, 'me Ke tla o tsoa hape matsatsing a qetelo.” Ebe O e etsa joang? Ha ke tsebe. Empa ke tšepa e . . .

¹⁶⁵ Selemo se secha, ha ke tsebe seo se se tšoereng, empa ke a tseba O se tšoere. Ke litšepo tsa selemo se secha tseo ke nang le tsona. Haeba A ka tla, Amen. Haeba A sa tle, ke tla be ke sebetsa haeba A mpaballa. Ke tšepela bokamoso ho Eena feela. Ha ke tsebe seo e leng sona, kee tšepela ho Eena feela. Le 'Mone a netefatsa Lentsoe la Hae, ka hona le a tseba e tla etsoa. Lentsoe la Hae!

U re, “Moena Branham, u fumana seo joang?”

¹⁶⁶ Be, e reng ke abe mohopolo mona motsotso feela. Na lea tseba simfoni ke eng? Ke a tseba le etsa joalo. Ke 'mino, ke terama. Ua bona, ba e bapala.

¹⁶⁷ Joale, lona bana ba banyenyane, hore le tle le utloisise. Le a hopola ka—ka sekolong, ke a kholoa le na le . . . Simfoni e nyenyane eo ea Rashiya ke eng, ka nako tse ling ba—ba tilinya meropa, le a tseba e bitsoa, na ha se . . . mabapi le—le woodpecker e nyenyane, le a tseba, e ileng ea theohela morung; 'me ba ne ba phaphasela, ho letsoa ha meropa le lintho. 'Me o e utloa eohle ha u ntse u feta hara simfoni, ha ba e bapala. Ke lebala lebitso la eona, “Petrose le Phiri.” Ke hantle, “Petrose le Phiri.” Joale, eo ke—eo ke simfoni ea Rashiya. Le a bona, ha ba—ha ba na—ha ba beha lipopinyana tse fofang hohle, ba e bapala, empa ba e bapala ka meropa [Moena Branham o kokota holim'a ho hong—Mohl.], 'me hape [Moena Branham o kokota hape.], le ho etsa meropa le melumo le lintho. E a e bapala, e a e etsisa. Ka hona, le tla utloisisa seo Moena Branham a lekang ho se bua. Ua bona?

¹⁶⁸ Joale ho lona batho ba holileng, Lengolo ke Simfoni ea Molimo. Ee. Alleluia! Ke Moqapi feela ea tsebang seo E hlileng e se bolelang, 'me O E senolela ba mametseng, ba thahasellang ho tseba terama. Empa u tla tlameha ho tseba simfoni pele, oa bona. Ha se ntho eo u e bonang feela, ke e—e phetoho, mateano a Lentsoe, a 'mino. E lahlela; khetlo le leng e leba ka nqa *ena* nakoana, ho otlala ho itseng, ka mor'a nakoana e fetoha kahohle. Ke eng? Ho lona ba sa E utloiseng kapa le sa tsebeng letho ka Eona, le sa E thahaselleng, ke sekema feela, ke morusu. Empa ho bao ba E tsebang, ba E shebeletse, ba E tseba e tla fihla. Alleluia!

¹⁶⁹ Ka baka leo re fumana linako tsena tsa Simfoni, tsa Simfoni ea Lentsoe la Molimo, terama eohle e a fetoha. Lona ba

thahasellang, mamelang phetoho eo. Le a tseba hore e ntse e atamela. U utloa kamoo meropa e llang kateng, amen, u batla ho hong ho etsahale. Lea tseba ena ke phethoho, lea bona, e tlil'o phatloha e qhoma metsotsong e 'maloa. Lea bona? 'Me u e shebeletse, u ka bolela merethetho ea meropa. Oho Molimo! Haeba u ka utloa meropa ea pheletso hona joale, haeba u ka utloa mokhosi oa 'mino oa Lentsoe la Leholimo ha le bina ka Bolona, "Me ho tla etsahala matsatsing a ho qetela!" Simfoni ea terama e kholo ea Molimo eo A e bapalang, E a Mo fetola, Simfoni ea Hae mateanong. Moqapi le ba thahasellang, ba mamela phetoho. Ke seo lintho tsena tsohle li leng sona ho rona, re mametse, re shebile. Nako le nako ha A hlaha, ho etsahala ho hong, re bona nako e atamela. Re bona morao koana nakoana e fetileng mohlha Mengoaha eo ea Kereke e neng e takoa, re ne re mametse. Re bone hore e lokile ka Lentsoe, ho khemisana le Lentsoe. Ka mora nakoana, ha etsahala'ng? Ke Enoa a etla, ka Sebele, 'me a e netefatsa.

170 Re utloile Lentsoe le bua, le re, "Mehlang ea lengeloi la bosupa." Mongoaheng oa Kereke, O sa tsoa re, "Molaetsa oa lengeloi la bosupa e tla ba Molaetsa oa ho qetela." 'Me hape, oh, re fumana mona ho Tšenolo 10, "Matsatsing a Molaetsa oa lengeloi la bosupa, liphiri tsa Molimo li tla be li phethehile," Tiiso ea Bosupa e ne e tla manolloa. E lokela ho ba teng. Eaba hanghang, ha e etsahala, pono ea hlaha, ho re, "E-ea Tucson, lerata le leholo le tla hlaha nakong ena le tle le utloisise hantle 'me o tsebe hore e rometsoe. Le tla sisinya lefatše feela, mohlomong." Bohle le tseba ka eona. E teiping, likhoeli pele e etsahala. Eaba e a etsahala! Ea nto hlaha sebakeng. "Shalom!" Ke eng? Ke morethetho o fetohang, Simfoni.

171 Eaba khetlo le leng O bua ka Khulo ea Borarō, kamoo e neng e tla kateng ka mokhoa o le mong ona, hape ka ho tseba pelo, 'me entoba Lentsoe le builoeng.

172 Jesu o itse, "Le tla etsa lintho tse kholo ho tsena; hobane Ke ea ho Ntate oa Ka." Johanne 14, "Mesebetsi eo Ke e etsang, le tla e etsa le lona; le e mehologo ho ena, hoba Ke ea ho Ntate oa Ka." Joalokaha ke boletse nakoana e fetileng, mohlha Maria a lehang ho Mo tsebahatsa e le mora oa Josefa, O ile a mo lokisa. Mantsoe a Hae a ke ke a hloleha! O boletse joalo, "Maholimo le lefatše li tla hloleha, empa Mantsoe a Ka a ke ke."

173 Ha re utloa Simfoni e otlala, e fetoha, e le mothating oa ho fetoha, ke nako ea mateano. Re lemoha ha A ne a qala ho—ho tilinya, 'me re bone, "Mesebetsi eo Ke e etsang, le tla e etsa le lona, 'me le tla etsa le e mehologo ho feta." "E mehologo," O e tšepisitse. Ra ipotsa ho ka ba joalo joang.

174 Empa na le lemohile mohlha A entseng mohlolo oa Hae oa pele, O nkile metsi a fetola veine. Na ho joalo? O khile metsi, ao tsatsi le leng e kileng ea ba veine, empa e ne e le metsi pele.

175 'Me mohla A fepang likete tse hlano, O ile a etsa'ng? O nkile ntho ebileng joaloka metsi, A nka tlhapi e kileng ea sesa 'me ea qhotsoa ke lehe, 'me A e ngoatha, 'me tlhapi e 'ngoe ea mela holim'a popo e neng e le 'mopo oa mantlha. O nkile bohobe e kile ea eba koro, 'me e le peō ea fetoha bohobe, 'me O ngoathile bohobe bona 'me tlholeho ea ikatisa feela.

176 Empa morung, ho se letho mono ho bopa sehloro. "Ho hlahe hore," 'me ha ba joalo, ho se letho ho e okha teng. Ke eng? Eena Jesu Krete eo! Le a bona? "Le tla etsa lintho tse kholo ho tsena, hoba Ke ea ho Ntate oa Ka." Ha se ho nka ntho e bopiloeng, ho ngoatha nthong e itseng le ho atisa popo, empa ho bopa ruri. Ho supa hobane Ke Jehova ea kileng a ema motšeo mane le ho re, "Ho hlahe hore," 'me ha eba joalo. Lentsoe la Hae le ile la bonahatsoa! Mohla A ne a etsoa nama lefatšeng, O ile a nka popo ea Hae ea mantlha, a e ngoatha a e atisa. Empa joale matsatsing a qetelo, mohla A theohelang har'a rōna hape, lona Leseli le theohileng, ho re, "Leseli a le be teng," ua bona, O bopa popo ka polelo feela. "Le tla etsa le e meholo ho ena, hoba Ke ea ho Ntate oa Ka." Hopolang, re linakong tsena.

177 'Me lefatše ha le utloisise, hobane, "Ke bosaoana bo bongata." Hobane e se Methodise, Methodise ha e E utloisise. Hobane sena, e se Baptise, Baptise ha e E utloisise. Hobane E se Katolike, Katolike ha e E utloisise. Hobane E se Pentekosta, Pentekosta ha e E utloisise.

178 Empa bao ba emelang Morena, ba shebileng! Ha ho monna le a mong ha re lata nalane ea bohlahlobi bofe, ea tsebang Naleli e fetileng. Empa banna ba bohlale ba E latetse makholo a limaele, lilemo tse peli, ba E shalimme 'me ba E latetse. Le bona seo ke se bolelang? Ke ho ba mametseng Simfoni.

179 Hopolang, Moqapi o tseba qetello ho tloha qalong. O tseba tsohle ka eona, ke ka hona A neng a ka e ngola mona. Ka nèpo. Joale u tšoanela ho qala ka Eèna, u tšoanela ho qala, ha u batla ho utloa Simfoni, u qala ka Eèna joaloka 'minong oa Simfoni. U a mamela, u tseba seo e se buang, e tla ba seo Simfoni e leng sona, ebe u qala u mamela 'mino. 'Me ua tseba seo e leng sona, kahoo u batla u tseba, "Mona ke hona moo lintho *hore-le-hore* li etsahalang, joale e tlameha ho fetoha." Joale, ho mang ea sa tsebeng letho ka seo li leng sona . . . ba sa tsoa kena ba lula fatše, ke letomotomo feela la bosaoana, lerata le hlolieang. Empa ea tsebang seo e leng sona, e khemisana le 'mino, e tiletsa ka linoto, e—e butsoeloa ka literompeta, e hloronngoa ka harepa, e bapaloa ka fiolo, e—e letsoa ka bese, e utloahatsoa ka literompeta, e tiletsoa ka meropa. Ntho eohle 'moho morethethong, 'me e etsa e—e terama ho fihlela u ka tutubala 'me oa phela kaho eona. Alleluia!

180 Motho a ka koala mahlo a hae a nama ho se bone lefatšeng le ho phela ka pel'a Sefahleho sa Jesu Krete, ha u bona Lentsoe la

Hae le tiletoa kahara Simfoni e kholo eo re phelang ho eona joale, phetoho. O tlameha ho qala kahara Simfoni. Ntho e le 'ngoe o ka e etsang ha u kene Simfoning, ebe u a qala, u qala u kena morethethong. Molimo o sebetsa joalo. Ha u emelle kathoko le ho e sheba. U kena morethethong oa Eona! U kena joang moo? U tsoaletsoe ho Oona, morethethong oa Lentsoe, ha u fetoha karolo ea Lentsoe leo.

¹⁸¹ Oa na oa tlameha ho fetoha karolo ea motjeko ho tsoa motjekong. U tlameha ho ba karolo ea papali, ntho e u khahlang, hore u tle u kene papaling.

¹⁸² U tlameha ho fetoha karolo ea Lentsoe, ho tseba Simfoni ea Molimo. Simfoni ea Hae ke ha E bapala, le a utloisisa, le hoanta le khemisana le morethetho oa nako. Le e lebeletse, “Mesebetsi eo Ke e etsang, le lona le tla e etsa; e mehola ho ena le tla e etsa,” matsatsing ana a qetelo. Oh, khili! Phetoho e kholo ea nako. Re kena ka hara morethetho, morethetho oa Lentsoe. Fumana morero oa Hae, hora eo re phelang ho eona. Kena morethethong oa eona, e etsa joang. . . kamoo A e etsang. Haeba u kena Lentsoeng, o fumana kamoo A e entseng tšimolohong, ke moo u tsebang kamoo A e etsang ka linako tsohle.

¹⁸³ O rometse Molaetsa oa Hae joang, pele? O etsa'ng? Ha A sebetse ka mekhatlo. Ha A eso etse joalo, ka baka leo ha A e etse joale. Ke hona moo, haeba u mametse morethetho oo oa Lekhotla leo la Likereke, u lefifing. Empa haeba u mametse morethetho oa Lentsoe!

¹⁸⁴ Ba bolaile Jesu ka lebaka lefe? “Uena, u leng Motho, u Iketsa Molimo.”

¹⁸⁵ Le fumane Molaetsa oa ka oa *Mefuta E Meraro Ea Balumeli*. Kamoo e mong a na eme mono 'me. . . Ho ena le baipehi-balumeli, ba latela nakoana, ba etsa eka ba lumela. 'Me ka tsatsi le leng Jesu a re ho bona, ho re, “Le tla nahana'ng mohla Mora motho, ea tsoang Leholimong, ha a nyolohela Leholimong? Ke tsoa Leholimong, ke khutlela Leholimong.”

¹⁸⁶ Khele, bongata ba tsamaea, ba re, “Ena ke polelo e thata.”

¹⁸⁷ Eaba ho fihla baikaketsi ba tsamaeang le Eèna, ba mashome a supileng, ha ba fumana ntho e thata, ha ba e bona hore e. . . ha ba ka ba tseba Simfoni. Ba ne ba sa tsebe Tšepiso, hore Ngoana enoa e ne e le Jehova, “Lebitso la Hae le tla bitsoa Moeletsi, Khosana ea Khotso, Molimo o matla.” 'Me eitseha A re, “Mohla Ke nyolohelang Leholimong moo Ke tsoang teng!”

¹⁸⁸ “Be,” ba itse, “Polelo ena e thata. Ke mang ea ka E utloisisang? Re a tseba U Monna feela. Re ja le Uena, re robala le Uena, re merung le Uena, re pel'a metsi le Uena. Be, U mpa u le Monna feela, le ho bolela Mora motho a khutlela moo A tsoang teng? Ebe U tla reng? Ke Puo e thata ena!” Ua bona, ba ne ba sa tsebe morethetho. Ba sa tsebe morethetho oa Simfoni ea Lentsoe la Molimo, hore E ne e le Molimo o bonahetseng nameng, hoba E

ne e le—e le Lentsoe Leseli le netefalitsoeng la hora. Ha ba ka ba e utloisisa. Ba re, “Ena ke Ntho e thata. Ke mang ea ka utloisisang Hona?” ’Me ba furalla. Ba ne ba sa tsebe morethetho, le a bona.

¹⁸⁹ Hape re a eelloa, ho ne ho le Judase, moikaketsi, kapa mosalumele, ea ileng a ema ho fihlela a fumane phoso. Yaba O retelohela ho barutuo, ho re feela ba leshome le metso e ’meli, ’me Judase e ne e le e mong oa bona, A re, “Le lona le batla ho tsamaea?”

¹⁹⁰ Eaba Petrose o re, “Re ka ea ho mang, Morena? Uena u Moqapi.” Amen. “U tseba kamoo lintho li tsamaeang kateng. Ke Uena feela ea nang le Lentsoe la Bophelo. Re ne re ka ea kae? Re ke ke ra khutlela ho Mofarisi, kapa Mosadusi, kapa Moheroda,” kapa seo e ka bang sona. “Ke Uena ea nang le Lentsoe la Bophelo. Ha re na moo re ka eang teng. Re—re ikopantse le Konsarete e kholo ena. Re ka mona, re a mamela, ’me re morethethong. Re a lumela hobane U Mora Molimo, Jehova ea bonahalitsoeng. Re tiile ka sena! Ha re tsebe liteko tse khōlō tsena le mathata, le mahlomola le lintho, ’me U re U ’nyoloha ho ea nyeheloa,’ le *sena* sohle, *sane*, se *seng*, le ‘ka letsatsi la boraro,’ lintho tsena tsohle. Ha re utloisisa Hoo. Empa re kahare, ho mamela Simfoni ea Molimo, re karolo ea eona. ’Me re emetse ho bona se etsahalang khetlo le latelang, ’me re latela haufi le Uena.” Oh, khili! Ke seo ke batlang ho se etsa. Tšepiso.

¹⁹¹ O qalile joang? Joaloka ha A entse tšimolohong. Ua bona? Ha A eso romele Molaetsa oa Hae mokhatlong. Ha A eso romelle sehlopha sa Hae Molaetsa, O rometse monna a le mong. Matsatsing a Nohe, e ne e le Nohe. Matsatsing a Moshe, e ne e le Moshe.

¹⁹² Ba bang ba hopotse khetlo le leng, ba re, “Be, u iketsa monna a le mong feela ea halalelang sehlopheng.” Molimo o ile a nyatsa seo.

¹⁹³ Moshe o ile ho Morena, “Ke entse *sena*. Ebe—ebe ke tšoanela ho etsa’ng?”

¹⁹⁴ A re, “Ikarole ho bona. Ke tla hlokomela tse setseng. Ke u romile. Ke boikarabelo ba Ka.” ’Me A bula lefatše la metsa Kore le lemuloana lohle. Kamehla.

¹⁹⁵ Johanne le Jesu e ke ke ea eba nako e le ’ngoe. Jesu. . . Eitse ha Johanne a lelala, a re, “Joale ke tšoanela ho boba, O tšoanela ho phahama. Ke Leseli le netefalitsoeng.” Kahoo Leseli lena le tla tsoelapele ho fihlela a fumana tiisetso e feletseng. Ke ’nete. Ke ’nete.

¹⁹⁶ O tšoana le kamoo A bileng kateng qalong. Ke kamoo u qalang kateng, kamoo u qalang ho ithuta seo Molimo e neng e le sona. Seo A se entseng mohla A neng a le mona lefatšeng? O phetse bophelo ba mofuta ofe? Na O lumetse, na E ne e le moqeki? Na O ile mekhatlong? O Itsebahalitse joang? “Batlisisang Mangolo! Le nahana. . . Ho ’Ona le nahana le na le

Bophelo Bosafeleng, athe Ao ke 'Ona a pakang 'Na." Lea bona, ke ntho e tšoanang kajeno kapa neng. Ha u batla Leseli, bona seo Lengolo le se bolelang bakeng sa hora ena. Ho lokile.

¹⁹⁷ U qala kae, joale? Haeba moetsalibe a le teng mona, u qala sefapanong moo u itemohang u shoele le Eèna. Joale u kene ka hara—hara terama e kholo. U mametse, he, u shebile leqephe la hao ha u le tšoare letsohong la hao, e—e—e Simfoni. U—u tšoare leqephe letsohong la hau le ka u bolellang lintho tsena, moo lipheto ho tsa 'mino li qalang ho e bapalisa, ke moo u bonang hoba karolo eo ke efe. Ha u bona Moea oa Molimo o theohela holim'a batho 'me o etsa ntho e itseng, u sheba morao u bone moo e leng teng. Ho bona haeba e le eona, haeba e le eona ntho ea kajeno. Khele, ba ne ba tšoare leqephe letsohong la bona mohla Jesu a neng a fihla, la Simfoni. Ruri, ba ne ba le tšoare.

¹⁹⁸ Na ke bua lentsoe leo hantle? *Simfoni?* *Kutloelobohloko?* Ke tšepa joalo. Uh-huh. Kahoo ke mpile ka nahana ka eona feela. *Simfoni?* [Moena o re, "*Simfoni.*"—Mohl.] Simfoni. Ho joalo? Ho lokile.

¹⁹⁹ Joale, ba ne ba tšoare leqephe letsohong la bona, empa ba ne ba tla etsa'ng? Ba ne ba leka ho hetla morao-rao morethetho o seng ohle. . . karolo e seng e bapetse. Ke seo likereke li se etsang kajeno. Li sheba morao, ho bona karolo eo Luther a e bapetseng; Maluthere a etsa joalo. Ha ba tsebe phetoho ea 'mino. Ha ba tsebe seo Molimo a se etsang kajeno ha A etsa lintho tsena, Maluthere. Pentekosta e re, "Oh, re E fumane." Le fumane leqephe le bapetseng lilemo tse mashome a mahlano tse fetileng. Ua bona? Ruri. Ha re tšoareng Lentsoe lena matsohong a rona, 'me re shebelle ha lipheto ho li fihla, ebe re tla tseba seo re se etsang.

²⁰⁰ Joale, qala le Eèna sefapanong: "Bakang, 'me le kolobetsoe ka Lebitso la Jesu Kreste, tšoarelong ea libe; 'me le tla amohela 'Mino, Tataiso," ua bona, "Lentsoe la Hae, Moea o Halalelang o bonahatsang Lentsoe." U ntano latela morethetho oa Lentsoe. Sohle seo 'Mino o se otlang bakeng sa hora eo, otlala le Oona. Ua bona?

²⁰¹ Batho ba bangata ba botsitse, "Hobaneng?" Ba botsitse. Ba botsitse, ka linako tse ling ba a mpotsa, "Hobaneng? Hobaneng lintho *tsena* li tlameha ho etsahala? Hobaneng—hobaneng *sena* se etsahetse ho 'na? Hobaneng ke qalile 'me *sena* sa etsahala, 'me ke—ke kopane le bothata bona *mona*, 'me *sena* sa ntšoenya mona, 'me ke lahlehetsoe ke *sena* mona?"

²⁰² Ka linako tse ling ke botsitse, "Hobaneng?" Khele, mohla ke sa le moreri e mocha, ke ne ke qala pele, na Molimo o tlositse mohatsa ka hantle tlas'a ka, a nka lesea la ka hantle tlas'a ka, hantle tlas'a pelo ea ka? Hobaneng A entse seo? Ke ne ke sa tsebe. Ke a tseba joale. Ka boloka letsoho la ka ho la Hae feela 'me ka 'na ka tšepa.

203 O tseba mateano 'ohle. O tseba morethetho o tlameha ho . . . mohla e tlamehang ho etsahala. O tseba se hlokahalang ho u bopella, O tseba hore na O tla sebelisa thepa ea mofuta ofe. Lea bona? Ka linako tse ling motšeo ho lehoatata, moo Molimo o bopellang banna ba lokileng bahale le baporofeta. Ua bona? Ua bona? Ke moo banna ba tuloang teng. Banna ba tuloa, Lentsoeng. Mohla ba nang le mefuta eohle ea tumeloana le lintho ka ho bona, ba ke ba tle Lentsoeng 'me Molimo o e tula ho bona, ho e bopella hantle ka hara Sena, ho kena Simfoning e kholo ka, ea Lentsoe la Hae. Le a bona? 'Me ebe ba bona Lentsoe le tsoelapele.

204 Molimo o a tseba ha morethetho oa eona o tlameha ho fetoha. O tseba kamoo morethetho o tsamaeang. Ha ke tsebe na o tsamaea joang, empa O a tseba. O tseba kamoo e tsamaeang kateng, ha ke tsebe. Empa ke e sheba mona, 'me ke re, "Be, e tla feela."

205 "Mahlomola a ea lokileng a mangata, empa Molimo o mo lopolla ho 'ona kaofela." Le a bona? Molimo o haotse nalaneng ka morethetho oa tšepiso ea Lentsoe la Hae, mongoaheng o mong le o mong, ka morethetho o tšoanang, ho etsa Lentsoe la Hae. Ke kamoo Molimo o tsamaileng ho theosa le nalane, ho qala ho tloha ho Genese ho isa ho Tšenolo, O tsamaile nalaneng le Lentsoe la Hae. Ke hantle, ka morethetho oa—oa matla a Moea o Halalelang o netefatsang Lentsoe la Hae ho Bakhethoa. Hopolang, ha A eso khone ho ama kereke e kantle. Ke Bakhethoa feela.

206 Shebang moprista eo, ho re, "Monna enoa ke Belsebule. Ke senoe. Hobaneng, O—O—O bala mehopollo ea bona."

207 Ha ba tseba le hanyenyane, "Lentsoe le bohale ho feta sabole e leolitsoeng ka nqa tse peli, le lemoha mehopollo e ka pelong." 'Me E ne e le Lentsoe.

208 Empa seotsoa sena se senyenyane se emeng selibeng tsatsing leo, ho kha nkho ea metsi, a re, "Ke a lemoha hore U Moporofeta. Re a tseba Messia o a tla. Re hlokile baporofeta makholo a lilemo, empa rea tseba Messia o a tla. 'Me mohla A tlang, ke seo A tlang ho ba sona."

209 A re, "Ke Eèna." Hoo ho ne ho lekane. Hobaneng? Morethetho o ile oa tiletsoa! O ne a lebeletse phetoho eo, ho tloha mokhatlong oa kereke ho ea ho Messia ea netefalitsoeng. 'Me ke enoa moo A emeng teng, Messia eo Moshe a buileng ka eena, "Morena Molimo oa lona o tla hlhisa Moporofeta ea joalo ka 'na." Ke Eo he. Morethetho o ile oa fetoha, Peo e netefalitsoeng e ile ea Le elelloa.

210 'Me ha Lentsoe la sebele la Molimo le oela holima ba netefalitsoeng, holima Peo, 'me ba bona netefatso eo ea Lentsoe, ba Le elelloa. Ba shebile Lentsoe, ba tseba mateano, ba tseba nako, ba tseba phetoho, Ba tseba morethetho o lokelang ho ba teng ka hora eo. Allelua! Ba tseba morethetho, ba tseba nako, ba

tseba kamoo e tlamehang kateng. Le a bona, ke Bakhethoa feela ba Le tsebang.

²¹¹ Mohla Filipi a neng a e bona, keha a sa khone ho e mamella ho feta, o tsebile hoba eo e ne e le Messia. Kahoo a ea ho thaka le leng, ba kile ba ithuta Bibehe hammoho. “Nathanaele,” a re, “tloo, u bone Monna. Tloo, u bone seo re se fumaneng, re fumane Jesu oa Nazaretha. Re fumane Jesu oa Nazaretha, eo ke Moporofeta eo Moshe a buileng ka eèna a tla tla. Re Mo fumane. Re Mo fumane.”

²¹² A re, “Ho ka ba joalo joang? Ke mpa feela. . . O ne a le hokae?” Le a bona, o ne a sa. . . Le a bona, o ne a sa tsebe morethetho hantle feela. Ba ntse ba ithuta. Empa eareha a fihla mono, a mo bolella, a mo tsebisa Lentsoe.

²¹³ 'Me ha a fihla mono, Jesu a re, “Bonang Moiseralee,” morethetho oa qala oa tšoara, terama e kholo e ne e bapaloa kantle mono kalaneng, kapa fatše, tsatsing leo. Mohlomong Jesu a eme holima lefika, a bua le batho. 'Me eitse ha Filipi a nyoloha le Nathanaele, A mo sheba, 'me a re, “Bonang Moiseralee, eo ho seng mano ho eèna.”

A re, “Rabbi, U ntsebella kae?”

²¹⁴ A re, “Le pele Filipi a u bitsa, u sa le tlasa sefate, Ke u bone.” Oh, khili!

²¹⁵ E ne e le karolo ea eona! O itse, “U Mora Molimo! U Morena oa Iseraele.” Ho sa tsoetelehe seo—seo morethetho oa lefatše, le litakatso tsa bona tsohle tseo ba bileng le tsona tsa—tsa mekhatlo, e ne e se Simfoni e kholo eo ea Molimo. Amen. A re, “U Morena oa Iseraele! Ke Uena eo! Ke a e bona. Ke a e tseba.” Hobaneng? O ne a Khethiloe. Peo e Khethiloeng e a e tseba, kamehla mongoaheng o mong le o mong, ba e tseba.

²¹⁶ U re, “Empa, Moena Branham, ho ka thoeng ka 'mè le ntate, ho ka thoeng ka batho ba hesō, ho ka thoeng ka bolumeli ba ka, ebe—ebe ba tla etsa'ng? Ba tla nteleka. Na ke. . .” Ha u sa khone ho sheba pele, sheba holimo. U se leke ho sheba pele, leha ho le joalo, kenya letsoho la hau ho la Hae. E re A u etelle pele. Sheba holimo, u se shebe pele. U re, “Hobaneng—hobaneng, ba bang ba ntšoma ka moriri oa ka o molelele, le 'na ka ho hlobola dishotso, le mabapi le ho tlohela kereke.” Huh! Ho utloa bohloko ka baka la Lebitso la Hae ke mahlaba a maholo a mohau oa Hae. E. Ho utloa bohloko ka baka la Lentsoe la Hae, oa bona, ke mahlaba a maholo a mohau oa Hae. E, monghali! Hopola feela, ke mohau oa Molimo o neiloeng uena. Oh, khili!

²¹⁷ Joaloka ha Paulose a boletse, allelua, o ne a jere mefokolo, ntho e 'ngoe e ne e mo tšoenya. O ne a ka. . . Liabolosi o ne a— a mo oahlela, kotlo ka mora kotlo. 'Me a botsa Morena, makhetlo a mararo, ho e tlosa ho eèna, ho re, “Ha ke batle sena, Morena. E tlose ho 'na!”

218 'Me bosiu bo bong Morena a bua le eèna, ho re Saule, kapa, "Pauluse, mohau oa Ka o lekane."

219 A re, "Joale ke tla ithorisa ka bofokoli ba ka. Ke tla ithorisa ka bona. Ke a tseba U Mofolisi. Ke U bone u folisa bakuli, ho tsosa bafu, le ho leleka matemona, ho tutubolla mahlo a lifofu. Empa ha ke U botsitse, 'me U mpoellela hoba mohau oa Hao o lekane, ke moo liabolosi enoa ea ntšoenyang ke—ke mahlaba a kholo a mohau oa Hao. Ke moo ke tla ithorisa ka mefokolo ea ka. Hobaneng? Ke ke tšohe ke iphahamisa ka boholo ba tšenolo." Le a bona?

220 Le a bona, o—o ne a na le seo barutuo a ba bang ba neng ba se na sona, o 'Mone ka mora lefu la Hae, kepele, tsoho, le nyolohelo. O 'Mone. Ba bang ba bona ba re, "Be, ke tsamaile le Eèna." Le motho ka mong seterateng joalo. Empa hoba A shoe, a epeloe, a tsohe, 'me a nyolohe, 'me a khutlele morao ka sebopelo sa Topallo ea Mollo, O buile le Pauluse. E ne e le ea fetisang mang oa bona. Amen.

221 O itse, "Esere ka iphahamisa 'me ka batla ho haha liseminare tse kholo le ntho e 'ngoe le e 'ngoe, le ntho e 'ngoe e kholo, esere ka—ka iphahamisoa ka boholo ba tšenolo ena, Molimo o lumelletse moromuoa oa liabolosi ho nkokobetsa." O itse, "Joaleha ke fokola, ke matla." Amen. Amen. Mahlaba a kholo a mohau! Amen. Re ka geta nako e telele mono; ho se ho fetile hora le metsotso e mashome a mane a metso e mehlano, 'me—'me re sotloa ke mahlaba a mohau oa Hae.

222 Oh, A ka lumella mateano a tsela. A ka lumella mateano a tsela ho re leka, ho re phethisetsa tšebetso ea Hae. A ka lumella seo joale, Kereke, mona le teiping. A ka 'na a lumella mateano a litsela bakeng sa tšebeletso ea rōna.

223 Joaloka ha A entse Daniele. O file Daniele mateano a tsela ka tsatsi le leng. Le a tseba, e ne e le monna e moholo tlase Babilona. O entse joalo, A lumella khosi ho mo hlanohela le ho mo lahlela lemeneng la litau. Ea mpa ea mo phethisa feela. Ehlile bo!

224 A lumella bana ba Baheberu ho kena seboping sa mollo. Ba ne ba ikemiselitse ho emela Lentsoe la Hae!

225 A ka lumella mantsoe a fapaneng, ba lumelle ho u tšehe ha u le moriri o molelele, ba ka u ja litšeho ka ho re hobaneng u fetoha mohalaleli-mothethehi kapa eng hape. E ka ba, ba ka u lumella ho u tšeha. . . ba ka u tšeha ka baka leo, hoo—ho lokile. Ke mateano a litsela, ke makopano a manyenyane. Ke ho paka ho hong.

226 Le a bona, ntho feela eo mateano a tsela a e entseng ho bana ba Baheberu ba neng ba eme Lentsoeng, ea ba lokolla feela litlamong tseo ba neng ba na le tsona maotong le meomong ea bona.

227 'Me ka nako e 'ngoe ho nka liteko tse boima ho khaola maqhaama a lefatše ho rona. Ka linako tse ling Molimo o re fetisa tekong, le a tseba, ho bona seo re tlang ho se etsa, ho u ntša lefatšeng. Kapa, ka mantsoe a mang, ho u fetisa tekong le ho u rahela kantle ho mokhatlo oo, le khopolo ea hore “Methodise ke eona feela, Baptise, kapa Pentekosta, kapa ke—ke sona feela sehlopha seo ba nang le sona. Haeba u sa e lumele joaloka ha kereke ea ka e lumela, ha u lumele ho hang.” Ka nako tse ding O lumella tekonyana ho hlaha. Mohlomong o na le lesea le kulang. Mohlomong ntho e 'ngoe e etsahala hantle horeng ea lefu. Mohlomong motho e a tlosoe ho uena, kapa ho hong. Ke ho etsa'ng? Ho u pshatla, ho u bontša se seng, ho tutubolla mahlo a hau. Mohlomong u tlile ho nyatsa, ka nako e 'ngoe. Mohlomong o mametse theipi ena feela hore o e nyatse. Mohlomong Molimo o etsa hoo ho khaola maqhaama a lefatše a u tlamileng.

228 Joaloka motho ea noelang metsing nokeng, u tlameha ho ntša monna nokeng pele u ka ntša noka ho monna eo. Ke hantle. U tlameha ho mo ntša nokeng pele, ebe u ntša noka ho eena. Ka nako e 'ngoe Molimo o lokela ho etsa joalo. O lumella mateano, makopanelo a litsela ho etsa hoo. Ema holima litšepiso tsa Hae, Lentsoe, hoba ha li hlollehe. Bokamoso, bo letsohong la Hae. Ema joaloka bona, u se ke—u se ke ua tela.

229 Abrahamama, mateanong a tsela ea hae, o tsebile hoba Molimo o ka tsosa mora oa hae bafung, moo a mo fumaneng teng mateanong a litsela. Abrahamama o fihla mateanong a hae. 'Me hoba a tšepe Molimo 'me a bone mehlolo eohle ea Molimo, a emela moshanyana lilemo tse mashome a mabeli a metso e mehlano, mora oa tšepiso, 'me eaba Molimo o 'molella ho etsa sehlabelo ka seo a neng a se emetse. Khele, oh, khili, ke nako e kakaang! Empa na Abrahamama o ile a thekesela? Bala Baroma, khaolo ea 4, e itse o ne a “kholisehile ka botlalo.” Amen. O ne a khotsoe ruri ka seo Molimo o se tšepisitseng, Molimo o ne o khona ho se phethisa. Amen. O ile a lumella mateano a tsela. O ne a bontša ka Abrahamama, ho rona, le a bona, O khona ho tsosa bafu.

230 Abrahamama o itse, “Ke tla mo fumana joaloka ea tsoang bafung.” Lipopelo tsa Sara li ne li shoele, popelo ea Sara e ne e shoele; 'me eena, 'mele oa hae o ne o shoele, e ne e le leqheku la monna. A se na methapo ea lebese ho fepa lesea. 'Me ba se na . . . Be, ho se letho. 'Me tona a omme, ka boeena, 'me tšali a se na thari. Le a bona? Ha ho mokhoa ho hang. 'Me o mo amohetse joaloka ea tsoang bafung, o itse, “Efela ha Molimo o khona ho etsa hoo, Molimo o ka mo tsosa bafung. Hoba 'ona Molimo o mpoletseng hore lesea le tla tla, 'me ka ema 'me la fihla, O ka mo tsosa bafung.” Hoba, O etsa tsohle li sebetse molemong oa ba Mo ratang. Amen.

231 Molimo Ea entseng tšepiso, matsatsing a ho qetela lintho tsena li tla etsahala tseo re li bonang li etsahala! Haeba A

tšepisitse mora, 'me mora a tlile; haeba A tšepisitse lintho tsena tsohle tseo re li bonang ka Lengolo, 'me e entse joalo, a re keneng morethethong oa eona. O tšepisitse lintho tsena li tla hlaha matsatsing a qetelo, 'me rea e bona. O tšepisitse A tla romela Jesu. Alleluia! Mileniamo o tla fihla! Letsatsi le lecha le tla fihla. Lehla le a tla letsatsi ha le sa tla likela, hoba e . . . ha re sa tla le hloka, hobane Konyana ke Leseli la Motse moo re eang teng. Amen.

²³² Ho chaba ha letsatsi le lecha, ke utloa hoo hohle ho 'na joale. Leseli la letsatsi le lecha! Leseli la letsatsi moo bosiu bo leng sieo, ha ho lefifi, ha ho liriti, ha ho maholimo, ha ho—ha ho lerootho, leholimo le lefifi, ha ho mp'a bosiu, ha ho mabitla, ha ho lipalesa mosikong oa maralla, ha ho mokoloko oa lepato, ha ho lingaka, ha ho moshara. Amen. Ke—ke utloa e—e mahlaseli a Leseli la Hae a phunyeletsa moeeng oa ka. Letsatsi le lecha! La khale le a sutha.

²³³ Ha ke utloa mali a shoang a tšolohela 'meleng oa ka, ke utloa matla a Moea o Halalelang a kena ka mora ona, "Tsoha, u bonese."

²³⁴ Ntho ea re, "Billy Branham, u a tsofala, oa fokola, mahetla a hao a kobama, moriri oa hao oa pulufala le ho foforeha." Ke hantle. 'Me lefifi le lefifi le opaneng li aparetse lefatše!

²³⁵ "Empa tsoha, u bonese!" Ke utloa ho theoha mono sekhahla sa Leseli la Evangeli e tlotlehang ea Jesu Kreste e nkentseng 'mopuoa e mocha ka ho Eèna. Ke lebeletse letsatsi leo, amen, bakeng sa letsatsi le lecha. Ha ke tsebe seo bokamoso bo leng sona. Ha ke tsebe seo bo se fupereng, 1964, e ntšoaretseng kapa letho le sele, empa ke tšoere letsoho la Ea tšoereng Bosafeleng, Eo e leng Bosafeleng. Amen.

²³⁶ Abrahama o tsebile Molimo o ka mo tsosa hape, ka hona a Mo tšepa.

²³⁷ Ka hona, bakeng sa selemo se secha, ikemisetsa ho lula le Lentsoe la Hae le seo Le se tšepisitseng, joaloka ba bang, Bakhethoa, ba entse matsatsing a ba bang. Haeba u ikutloa u bone Leseli le chabileng holim'a hao, la Jesu Kreste, ponahatso ea Hae ea Moea o Halalelang oa Hae o moholo matsatsing ana a qetelo. 'Me, hopolang, le hopole, le lule le eona, seo A se entseng, u e mong oa Bakhethoa; le seo eèna, Bakhethoa matsatsing a mang, joaloka Abrahama, mohla a neng a e bona, athe e ne e le khahlano le bopaki ba mahlale. Nohe o e bone, 'me e ne e le khahlano le bopaki ba mahlale. Moshe o e bone, me e ne e le khahlano le bopaki ba mahlale. Mengoaha ena e bohlale e fetileng; empa Bakhethoa ba e bone, ba ema ba tiile! Amen.

²³⁸ 'Me bakeng sa bokamoso, ha re emeng ka ho tiea tšepisong. Ke Molimo ea e entseng, ho ho Molimo ho e phethahatsa. Ke mpa ke latela morethetho morao. Ha nako e otlala e re "ena ke pheletso ea William Branham lefatšeng," joale ke tla ikela le morethetho.

Joale ke tla tsoha hape ka morethetho. Allelua! Ea o tiletsang ka hare, o o tiletsa kantle, ho tiletsa kahare hape. Ke morethetho oa Molimo, “Ke tla mo tsosa matsatsing a qetelo. Ea lumelang ho 'Na o na le Bophelo ba kamehla. Ea utloang Lentsoe la Ka 'me a lumela ho Ea Nthomileng, o na le Bophelo Bosafeleng; 'me a ke ke a kena kahlong le ka mohla, empa o tlohile lefung ho kena Bophelong.” Ke tla latela morethetho oa Lentsoe. Amen. Eseng ho tobola ha pelo ea ka; ho tobola ha Lentsoe! Ho sa tsotelehe seo e leng sona, haeba pelo ea ka e sa tobolake le Lentsoe, etlaba pelo ea ka e fosahetse. Amen. Hoba, Ke Lentsoe! Amen. Bibe e re bolella seo, Lentsoe la Molimo.

²³⁹ Ke ne ke mametse lenaneo, ha ke nyoloha, 'na le Billy, nakoana e fetileng. 'Me e ne e le Bibe e ena . . . e—e hora e bitsoang boporofeta, hora ea . . . E bitsoa eng? Ntho e amanang le boporofeta. *Voice of Prophecy*. Hantle-ntle, ke Seventh-day Adventists. Ba se ba itheile mabitsa a mane kapa a mahlano a fapaneng. Millerites ke seo ba neng ba le sona, qalong.

²⁴⁰ Ke bona ba boletseng, mono kopanong, hore ke ipoletse ke le Jesu Krete, hore—hore Ntate ea Halalelang o ne a le holim'a ka, Topallo eo ea Mollo, 'me ke ne ke le Jesu Krete. Motsoalle oa ka a tsoa tsoa a eme mono kopanong ea bona e nyenyane, a ema 'me a re, “U tla tlameha ho e paka, hoba ke tla 'miletisa hantle mona. Ke batla u bone khetlo le lee leng moo a kileng a ipolela seo,” le a bona, le joalo. O ne a bua ka mekha e fapaneng ea borapeli le lintho tse lefatšeng.

²⁴¹ Ba tseba. Nkile ka tlanelloa le bona potsong ena ea *sabatha*. Ba nkile letsatsi la khale le fetileng. Moea o Halalelang ke Sabatha ea rona, Bibe e boletse joalo, “Tloong ho 'Na, lona bohle ba khathetseng le ba imetsoeng, Ke tla le nea sabatha ea moea oa lona.” E seng “letsatsi.” Pauluse o itse, “Lona ba bolokang letsatsi, ke a le tšaba.” Le a bona, ke hantle. E, monghali. “Phomolo e sa le teng,” Baheberu 4, “ho sechaba sa Molimo, ho boloka sabatha. Hobane rona ba keneng phomolong ea Oona, re phomotse mesebetsing ea rona, joaloka ha Molimo o phomotse mesebetsing ea Oona.”

²⁴² Empa sebui sa bona, nakoaneng e fetileng, lenaneo le monate, Ha kea koetla letho khahlano le bona. Nka etsa sohle seo nka se khonang ho ba thusa. Ho ba tšoarella lefeela ka ho e bua, hobane ba buile ntho e sa lokang. Empa ho lokile. Thuto ea bona e tšoana le Paki ea Jehova le Christian Science, le lihlotšoana tsena tse ling tsohle, le a bona, ntho e tšoanang. Empa hlokomela, ba tšoana le mokhatlo ofe feela, ha ba fosa ho feta, ke a kholoa, ho feta ba bang. Lentsoe le nepahetse ka mehla, le a bona, Le tla Ipaka le nepahetse. Hlokomelang.

²⁴³ Empa eare a sa bua, monna a re, “Re tšoere buka-ea-selemo.” Mongoli enoa, oh, lebitso la hae ke mang, sebui sa eona? Ke lebala lebitso la hae hantle joale. O ne a buella Borakhoebo ba Bakreste

holimo Seattle mona nakoana e fetileng mane World's Fair. 'Me a—a re, seboholi sena se itse, "Monna enoa o ngotse buka, buka e tsoileng ka mahetla ea selemo sena." Ha ke lumellane.

²⁴⁴ Buka ea selemo sena ke Bible! Ke Leseli la lefatše. Ke Molimo ka Sebele. Buka ea rona ea selemo ke Bible. Bakeng sa 1964 ena, Buka ea rona ke Bible. Le lilemong tse ling tsohle tse tlang, Buka ea rona ke Bible. Lilemo tsohle tse fetileng, esale E le Buka ea lilemo tse fetileng, Buka ea lilemo tse tlang, 'me Ke Buka ea Bosafeleng. E senola Molimo. E, E senola Molimo. Selemo se seng le se seng se tlang, ke Buka ea Selemo. Ha—nako le nako ha u utloa Bible e bua eng, tšepiso ea Eona e a netefatsoa, Bosafeleng bo tla fihla, ka tsatsi le leng. Bible ke Eona e re fang tšepiso ena, ha u utloa Bible e re ho tla letsatsi leo ka lona Jesu a tla tla. 'Me joaloka ha ke bolela kajeno. . .

²⁴⁵ Ke tlameha ho koala, hobane ke—ke qetile lihora tse peli mona, ua bona, hantle mono.

²⁴⁶ Shebang, haeba—haeba Bible e re bolella ka lintho tsena tse tlang, e bua ka lihora tsena tsohle tseo—tseo re fetileng ho tsona, matsatsi a Nohe a boletsoe esale pele, matsatsi a ba bang bana bohle, Lengolo le boletse esale pele, matsatsi a Martin Luther a ile a bolelloa pele, matsatsi a Wesley, matsatsi a Pentekosta, hora ena eo re phelang ho eona e boletsoe esale pele, ntho e 'ngoe le e 'ngoe e etsahetse hantle feela kamoo e bileng kateng, mohlang. . . ke eng? Ke Lentsoe la Molimo le builoeng, le netefalitsoeng ke Molimo, ho Le etsa Leseli la hora. Le a bona, kamoo letsatsi le leng kateng. Holima Lentsoe, Lentsoe ka Sebele, ke Leseli ha Le netefalitsoe bakeng sa nako eo Le leng ho eona. Ua bona, E netefalitsoe, ka hona Ke Leseli la hora.

²⁴⁷ Johanne e ne e le Leseli, e—e ne e le Leseli le fetisang la Elia le ba bang. Elia. E ne e se Leseli la Elia, empa e ne e le Elia ka sebopeho se seng, a netefatsa Leseli, le a bona, e ne e le lona. 'Me Jesu ha a fihla, O itse, "E ne e le Leseli le phatsimang nakoana. U rata ho tsamaea Leseling la hae." Le a bona?

²⁴⁸ 'Me Johanne o itse, "Joale ke tšoanela ho boba. Ke tšoanela ho tsoa joale, Leseli la ka le khaotsa ho khanya. Ke tšoanela ho tsoa. O tšoanela ho phahama. Ke Leseli."

²⁴⁹ O itse, "Ke Leseli la lefatše." Amen. Ke hantle. "Eena maobane, kajeno, le kamehla." 'Me E sa ntse e le Leseli la lefatše. 'Me Eena ke eng? "Lentsoe le ne le le tšimolohong, 'me Lentsoe le ne le le ho Molimo." Hobaneng E ne e le Leseli la lefatše? Hola A ka fihla, ha thoe E ne e le Messia, 'me A sa etse kamoo Bible e boletseng Messia a tla etsa, ka hona E ne e se Leseli la lefatše. Le a bona, ke Lentsoe le netefalitsoeng Le e etsang hore e be Leseli la lefatše.

²⁵⁰ 'Me horeng ena eo re phelang ho eona joale, Lentsoe le netefalitsoeng la hora ena! Mapentekosta, le re, "ho bua ka lipuo," le joalo-joalo. E ne e le Letsatsi la Pentekosta, e ne e le

Leseli la hora mohlang oo. Le a bona, lena ke letsatsi le leng. Ke Leseli la hora kajeno.

²⁵¹ Mongoaha oa Kereke ea Bosupa, o bipetsoa kaofela, ka Kreste kantle. Khoeli e a le tsebahatsa, lefifi lohle le aparela lefatše. Leseli le a kena joale, le qala le bontša se tlang ho etsahala. Ntho eo e tla senngoa, 'me Leseli le tla kena 'me le e timetse. 'Me Bahalaleli ba tla ja lefa la lefatše, ba bonolo ba tla ja lefa la lefatše. Lefatše, lefifi la khoeli le tla ba sh- . . . ho tlosoa. Lefifi la bosiu le tla feta, lefifi ka lefu la bona le litumeloana, le hole le Lentsoe la Molimo, lintho tse khopamisitsoeng tseo ba li buang. 'Me Leseli le tla chaba tsatsing leo.

²⁵² 'Me le hopole, mohla Bible e tletseng. . . Mamelang, ha re koala. Mohla Bible ena e tletseng e seng e netefalitsoe ka ho phethahala, joale ho tla fihla Shalom ea Bosafeleng, Khotso ea Bosafeleng. Le a bona?

²⁵³ O tlile, le hore E ne e le "Khotso lefatšeng, molemo nqa motho," empa lefatše ha lea e amohela. Le a bona? Le a bona? E ne e le Khotso ho bohle ba tlang ho Eena ba batlang Khotso. Le a bona? Khotso lefatšeng, thato e ntle ho motho, E ne e le Khotso qalong eo ea selemo se secha, letsatsi le lecha la Molimo. Hobane? E ne e le Leseli le netefalitsoeng la letsatsi leo. Le a bona?

²⁵⁴ Empa ho na le Lentsoe le eketsehileng le tla netefatsoa. O tlameha ho tiisa Lentsoe le eketsehileng. 'Me ha Lentsoe la ho qetela le netefalitsoe, le netefalitsoe, ke rialo, ke moo lefu le metsitsoeng ke tlhola, 'me ba shoetseng ho Kreste ba tla tsoha, Mileniamo o tla kena, 'me e tla ba Khotso e le 'ngoe e kholo, Shalom. A re pheleleng letsatsi leo, moena, khaitseli, bakeng sa Shalom e le 'ngoe e kholo eo.

²⁵⁵ Hopolang, Bible ke seliba sa bohla bohle, 'me e tšoere litšepo tsohle tsa bokamoso. Ho Kereke, Shalom! Ha re rapeleng.

²⁵⁶ Sehlotšoana se teng mona joale. Ke—ke qetile lihora tse peli ka—ka molaetsanyana ona oa Selemo se Secha. Le bile le mamello haholo. Na e mong o teng ka mona hoseng hona, kapa—kapa thapama ena, ke rialo, ea se nang Shalom, Khotso eo e buileng, Lentsoe leo la Molimo le tsebahalitsoeng ha uena le Lentsoe le fetoha ntho e le 'ngoe? Holima, Bible e bua Ntho e 'ngoe, u re, "Che, ke batla ke sa lumele hore hoo ho lokile," etlaba ha u na Shalom. Ha u khotsong le Molimo, hobane Lentsoe la Hae le bolela Ntho e 'ngoe 'me ha u lumellane le Eona.

²⁵⁷ 'Me ha Lentsoe le re, "Shalom, Khotso," 'me o ruile Khotso eo, hore Lentsoe le leng le le leng leo Modimo a le buang, o ka Le omela ka "Amen," 'me oa Le lumela. 'Me ha u Le bona le nêtefatsoa, u re, "Amen, leo ke Lentsoe!" Empa tumeloana, leseli, leseli la bohata, lefatše le haola ka seriti sa leseli le halimisoang ho le fifatsa, tumeloana e itseng, ho re, "Che, ke—ke nahana hore—hore E ne e etselitsoe ho hong hosele. Hoo ha ho

bolele hoo feela,” ’me koana Lentsoe le a E bolela? Na u latetse seriti seo, kapa na u hlaha le Leseli leo?

²⁵⁸ Mona le teiping, mang ea tla e mamela, a e nahane nakoana feela. ’Me haeba e mong a le teng mona ea ka ratang, ea se nang Leseli leo, na u ka phahamisa letsoho la hao ho itsebahatsa, hore u itokiselitse ho tsamaea Leseling leo kajeno? ’Me e mong ha a le teng kante naheng ea moo teipi ena e tla fihla teng, u se na Eona, na u ka phahamisetsa letsoho la hao ho Molimo hantle moo. . . Koala sehatisi sa hao nakoaneng feela ha re rapela, u khumame ka mangole a hao, le ho re, “Morena Molimo, ke belatsetse, ke—ke entse *sena*. Ka nahana, ‘Be, hobane kereke e boletse lintho tseo li ke ke tsa etsahala, le *sena* se ke ke sa etsahala.’ ’Me, empa ke e bona e tšepisitsoe ka Bibeleng, ’me ke bona lintho tse ngata haholo. Esita le maholimo a E tlalehile, bo-ona. ’Me lintho tsena tse boletsoeng, li etsahala hantle feela. ’Me Molimo Leholimong o tlaleha hona hoo. Ka hona, ke batla ho e amohela joale. Lentsoe la Molimo le kene ka ho ’na. ’Me a nke ke kene morethethong, oa ho se mamele seo kereke kapa moreri a se buang; empa e re ke kene morethethong oa Lentsoe, ’me ke bone seo Le se buang. ’Me Le ke le ntlietse, kahara Simfoni e kholo ena ea Molimo, ho tiletsa kante ho thato ea Hae bophelong ba ka.”

²⁵⁹ Ntata rōna oa Leholimō, joale re U hlalisetsa letsoho ka leng le phahameng hohle. ’Me Moea o Halalelang oa Molimo o ba tlietse morethetho oa Lentsoe le ’Nete ea Lona, hore ba tle ba bopeloe joale ho bara le barali ba Molimo, ’me eka khona ebe khalimiso ea Leseli la Molimo holim’a lefatše. Eka khona bao ebe Lentsoe le bonahalitsoeng, hore banna le basali ba loketse ho phela kamoo Jesu a phetseng kateng, le ho—ho lumela Lentsoe le leng le le leng la Molimo le ho phela ka Lona joaloka ha A entse, hoba O itse, “Motho a ke ke a phela ke bohobe feela, empa le ka Lentsoe le leng le le leng le tsoang molomong oa Molimo.” E seng Mantsoe a ’maloa feela, karolo ea Mantsoe, empa “ka Lentsoe le leng le le leng le tsoang molomong oa Molimo.”

²⁶⁰ Lentsoe la nako ea Moshe ha le a ka la sebetsa matsatsing a nako ea Jesu. Mosebetsi. . . Lentsoe mehlang ea baapostola ha le sebetse tsatsing lena. Ke Lentsoe le tšepisitsoeng letsatsi lena. Ba boletse bobona, le ho e bua ka Moea o Halalelang, se neng se tla etsahala matsatsing a qetelo, kamoo likereke li tla beng li ikhohomosa, li ikhantša, kamoo seotsoa se tla hlaha le liotsoa le sona hantle, le kamoo e. . . ba neng ba tla fifatsa lefatše. ’Me mongoaha oa kereke ea ho qetela, Laodisea, Jesu o tla tlosoa kerekeng ka botlalo.

²⁶¹ Oho Morena, a nke ke lule le Eēna, Lentsoe. Le ho bonahatsa Leseli la Hae, ka rona bohle, joaloka ha re qala selemong sena se secha, ka maikemisetso. Ha re tsebe selemo sena se secha se tšoere eng, empa re tiietsa ho Eena, Lentsoe, le tsebang Simfoni eohle ho tloha qalong ho isa qetellong. O tseba motsamao o mong le o mong le mateano a mang le a mang. ’Me, Morena, re Mo

shebile feela, re tsepamisa mahlo a rōna ho Èena, Lentsoe. Ebe ha re bona lintho tsena li hlaha, re a tseba re morethethong oa Lentsoe hantle. Aba sena. Pholosa moea o mong le o mong o lahlehileng, Morena, oo . . . mona, le e mong le e mong ea utloang teipi. Re ba laeletsa ho Uena, bakeng sa 'Muso oa Hao, ka Lebitso la Jesu Krete. Amen.

²⁶² Joale, ho na le . . . Ke thabo ho ba le lona bohle hoseng hona. Ke masoabi, esale ke le hantle feela, ho tloha ke e qalile, lihora tse peli hantle, ho qala ka kotara ho isa ho leshome le motso o mong, ho fihla kotara pele ho 'ngoe. Ka bolella Meda, ka re, "Ke tla khutla ka mashome a mararo ka morao ho 'ngoe." Hona joale, ha re lumela ho tlōla melao ea lebelo. Ha ke nahane re lokela ho etsa hoo, o a bona, ho e etsa. Joale re a le leboha. Ke batla ho bolela joale . . .

²⁶³ Terry o timme teipi ea hae, hobane ke theipi e tsoang. Ke nahana *u* sa ntse u buletse ea hau, etsoe ho itoketse, le a bona, hoba ke tla bua le kereke.

²⁶⁴ Ruri ke le ananela bohle tlase mona. 'Me hangata ke nahana sena ke sebaka sa ka sa ho honyela, ho theohela mona ka morao ho lehoatata, joaloka ha ke e bitsa. Ho khutlela hara lehoatata, hole-hole holimo ka mona, le ho qamaka, ho bona sehlotšoana sena kante mona tlas'a lifate, hantle pel'a noka. 'Me re ka nqa bochabela ho noka joale. 'Me ke—ke—ke tšepa hore Molimo o tla le hlohonolofatsa, e mong le e mong. Molimo, Shalom, a be le lona. Ke khotso ea Hae eo.

²⁶⁵ 'Me ke masoabi, ruri, ho le tšoarella tjena, empa feela ho fumana teipi ea sena joale. Athe, ha Morena a ratile, sena ke seo ke tlang ho bua ka sona, mane—mane Phoenix, thapama ea Sontaha. Ebe, Mantaha, ke kenela, likopano tse nyenyane, le joalo-joalo. Ke ne ke rerile pelong ea ka monongoaha, ha Morena a ratile . . . Ke—ke sa tsoa seha ke tabola, ho qala lehlakoreng ho ea lehlakoreng. Le a bona?

²⁶⁶ 'Me bohle re a tseba boo ke boitsebiso. Re tseba seo Khulo ea Boraro e leng sona. Rona bohle, re utloisisa hoo bohle. Joale, le fumana, le tla fumana teipi. Le a bona? 'Me ke hopola e tla robala bolokoana nakoana, ho fihlela hora e kholo ea tlhoriso e fihla. Ke hona mohla e tla fihla. E tla bua. E tla bonahatsoa joaloka lipontšo tse hlano tse otlolohileng e sa hlolehe, ka ho phethahala. 'Me joale kea nahana, emang feela, le a bona, ho bona seo e se entseng. Joale ke khutlela morao, ka ho tšoana hape, ka hohle-hohle, ho fumana.

²⁶⁷ Likopano tse khutšoane, ke tla leka ho ts'oara, ho tsoa bosiu bo bong le bo bong, pele ho nako. Ho qeta metsotso e mashome a mararo feela, le ho bua ka ntho e 'ngoe ka pholiso ea Khalalelo kapa ntho e kang eo. 'Me nako efe ha ke itokisetsa ho hatisa teipi hape, nka tšoha ke mathela motšeo ho lehoatata mona, kapa holimo tabernakeleng kapa kae-kae moo u ka etsang teipi, moo

re bang bang, nka bua seo ke se batlang, ka mokhoa oo. Empa, le a bona, Jesu . . .

268 Hopolang. Le a bona? Ke lokela ho ela hloko. Eitseha ke bona batho bao ka botlalo, ba tloha ba khohlahetse, ke kholoa ke lekile ho e hlalosa hoseng hona, lefifi le tsoakaneng le holima bona, ba ke ke ba ithusa. Ke a ba tsoarele, le a bona, ka baka la ho se utloe. Le ho bona lintho tseo Molimo o li entseng, le joale ha ba e etse. Ke sa ntse ke rapela, “Molimo, ba tsoarele.” ’Me ke e bolela ho tsoa pelong ea ka. Ho se e bue hobane Mong’a ka a e buile, empa ke batla ho utloa pelong ea ka, pele, hore ke hlile ke etsa joalo.

269 Ha ke ikarole ho batho. Ha ke batle ho etsa joalo. Lea bona? Hobane ke—ke . . . ke na le Molaetsa oa bona, “pholoho.” Ke tlameha ho tsoela hara bona. Le a bona? Joale, ke tsoela kantle le Botrintase, le Methodise, Baptists, Lutheran, Pentecostal, Seventh-Day Adventists, le tse ling tsohle. Hobane, ke batla ho pholosa se neng se lahlehile, ha nka khona; ho E tlisa ka hare, ho ba bontša Leseli. ’Me Morena a be le lona.

270 Ke tsoere e—e sehlotšoana sa rona sa pele sa likopano mona. Ha ke tsebe haeba le na le tsona, kapa che, lenaneo mona. Haeba ba bang ba lona . . . Ke tla e tlohela e robetse mona. Molisa o tla le balla eona, moo re tla kopana teng, le ha Morena a ratile. Ke hore, ha Morena a ratile. Ha ke na tataiso ea tsona, ke mpa ke tsoa feela, ho leka ho etsa sohle seo nka se khonang. ’Me ha baratuo ba le teng tikolohong eo, ka mono, ba ka ratang ho etela e ’ngoe ea likopano, khele, u ba ngolle lengolo u ba bolelle ho etela e ’ngoe ea likopano tsena.

271 Molimo a le hlohonolofatse. Ho hotle ho u bona, Moena Stricker le Khaitseli Stricker, le lona batho bohle mona. Joale, ba bang ba lona, ha ke tsebe le mabitso a lona. Empa ke—ke le tseba ka bopaki ba Moea o Halalelang, hore le baena le likhaitseli tsa ka. ’Me—’me lerato la ka le tlhomphe le bakeng sa lona. ’Me ke thabo e kholo, ho ba tlase mona le lona.

272 ’Me ke tseba kamoo le—le tekile lijo tsa lona tsa mantsiboea le lutse mona, le il’o ja tinare ea bolekanane. Eka nka be ke khona sala. ’Me—’me kea tseba e lokile. Ke—ke a tseba le na le baapehi ba khabane naheng. Ke a tseba hore ke ’nete. Empa mohlomong ke tla tlameha ho nka ea ka hambega, ho nyoloheng. Empa, koana, ke na le litaetsano tseo ke lokelang ho li phethisa. Nako ea ka ke e abetsoe, ha nyenyane *mona* le hanyenyane *mane*. Bohle le a utloisisa, ke tiile. Ha se hobane ke sa batle ho lula. Molimo o tseba seo. Nke ke ka theohela mona . . . Ua bona?

273 Motho o itse, “Na u ka theohela mono ua rerela batho ba mashome a mararo, athe u ka rera ntho eona eo ho likete tse leshome?” Ruri. Ha e etse phapang ea letho, boholo. Ke batla ho bona moo E amohetsoeng teng.

274 “Le se ke la lahlela liperela tsa lona pel’a likolobe. Li tla sokoloha li li hatakele tlasa maoto a lona, li ntoo sokoloha li le harola.” Le a bona? Empa ha u lahlele liperela tsa hau mono.

275 ‘Me kea utloa, seo ke se buang mona, ha se ho lahlela liperela ka pel’a likolobe. Ke hopola e bontša, bana, mahakoe a bona. Le a bona? Le a bona? Mahakoe a fumanoa kae ka linako tse ling? Seretseng le leroleng.


276 Le lemohile mohalalitoe, moo o tsoang teng? O tsoa hantle botebong bo seretse ba letša. ‘Me o sebetsa ka thata, motšoare le bosiu, ho itlahisa leseling. Empa ha o qala o bonesa, o thunya, ‘me palesa e ntle ka ho fetisisa nqa efe. Ke seo mohalalitoe o leng sona. O runya leroleng la lefatše, le litšila.

277 Ke hona moo mahakoe a fumanoang teng, a phuthetsoe kantle mona lebatsoeng la gauta la sechaba. U fumana gauta hokae? Tlase mobung. U fumana lirubi le mahakoe hokae? Seretseng le litšila. Hantle feela. Ke moo bohle re tsoang teng, seretseng le litšila tsa lefatše. Empa bana ba mona . . .

278 Ke morafi. Morafi o etsa’ng? O tsomana le gauta. Hape, ha a etsa joalo, o a e phatsimisa. ‘Me o a e batola, ‘me o a e qhibilisa, ‘me o a e hlophisa.

279 *Ona* ke morafu oa gauta. Le a bona? Ke ntse ke tsoma *mona*, ka linako tsohle, mahakoe a matle. Le a bona? Ho fumana kantle mona, kae-kae leroleng, le ho a bentša, le ho re, “Morena, ke bana. Moena ke enoa. Mokreste ea tsoetsoeng labobeli ke enoa. Leleiti le khabane ke lena, le lecha. Mosali ea khabane ke enoa, oa lilemo tse bohareng, leqheku mosajana, khele, mosali e mocha,” e ka bang eng. “Ke bana moo ba leng teng, Morena. Ke mahakoe a Hao. Ba behe moqhakeng oa Hao, Morena. Ba tla phatsima ka mehla le mehla, ka mokhoa oo.”

Ho fihlela ke le bona, Shalom. Khotso ea Molimo e be le lona!

280 Ho lokile, molisa, tloo koano. Ho lokile. Molimo a le hlohonolofatse joale. ‘Me ke tla le bona bohle hamorao. 

64-0112 Shalom
Tshebeletso Ya Lapeng
Sierra Vista, Arizona U.S.A.

SOUTH SOTHO

©2026 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org